


PAMFLET

1172



Tsamenspreekinghe van

zie personen/over het regireus Placcaet van

Groninghen/ ghecondicht den 7. September/oude stijl.
 Anno seftchien-hondert ende een.

Hollander.
 Embder.
 Ghereformeert.

**Dooz welcke tsamensprekinge naecktelick ver-
 joont wort/dat die van Groningen doozt selfde soecken nieuwe consciencijs
 dwangh in te voeren / tot onderdrukkinghe ende verdrypinghe van
 vele bynnen/tot berovinge des dueren gecochten Landts,
 bygheden/ende beroovinghe des Landts
 middelen.**

Proverb. 12, 6.

Salomon seydt: Der godloosen woorden richten bloedsvergieten
 aen, der rechtveerdighen mondt verlost se.



Ghedrukt int Jaer ons Heeren/

M. vjC. I.

1172

14

De laetste kintge van

der verhevenheit van Christus

in den hemel

Hollander

1. neder

Gheformeerde

De laetste kintge van Christus

in den hemel

in den hemel

in den hemel

Broed. 1. 2. 6.

Salomon seide: Der godloose worden richten bloetvergieten

aan, der rechtvaardigen mond verlost se.



Gebeden in het ons Heren

M. 7. C. 1.

TOT DEN LESER.

Seer beminde Leser, alsoo my over ettelicke daghen ter handt besteldt is een copye vant regireus Placcaet tot Groninghen, den 7. September ouden stijl met cloekeslach ghecondicht: Ende de copye vant selfde ettelicke daghen aen het Stadthuys aengheslaghen is. VVelcke copye so hier ende daer, als yet besonders in verscheydē Provintiē ende Steden, d'eene den anderen toegesonden heeft, vvaer door de selfde vvijt ende breet verspreyt zijn: Ende oock by sommigē partydigen naē-dragenden Ghereformeerden, als pryselick verdediget vvordt: la de Groeninger Magistraten boven alle andere Godvreesende onpartydige tselve durvē roemen ende prysen, als die haer opgeleyde ampt in desen deele beter als andere zijn betrachtēde: Ende hier beneffens ons ooc vvcl bevviist is, dat hier in onse geunieerde Provincien veel partydige Predicanten zijn, den vvclckē dese ofte dierghelijcke maniere van Placcaten seer vvcl zijn behagende: ende volgens dien, by sommige Magistraten mochten haer voorgheven in desen deele soecken door het Groningher exempel te becrachtighen, om de selfde tot navolginge te vervvecken (het vvclcke als dan soude strecken tot verdryvinghe van vele vromen, ende beroovinge des landts duerghecochten vryheden, tot verstoringe des landts vrede ende eendracht, tot beroovinge des landts middelen) Soo ist dat niet alleen ick, maer oock beneffens my vele vreedtsame ingesetene deser onser Provincien (die de gouden vryheydt deser landen zijn lievende, en volghens God daghelijcks daer voor zijn danckende, ende beneffens om den geluckigen voortganck onder t beleyt van zijn Pr. Excelentie ende de Heeren Staten zijn biddende) niet alleen over het selfde als een onvervvachten (nochtas vvcl lange gedreycheden) donderslach zijn vervvonderende, maer daer beneffens ons oock van hertē bedroevende, dat die eer-tijds, jae

A ij noch

noch in corten tijdt hebben moeten vluchten in verscheyden Provincien ende Steden om haer ghemoets vryheydt te beleven, ende doen door experientie ende bevindinghe met ons gheoordeelt hebben, dat de verdryvinghe om der conscientie een ongherechtich vverck vvas: Ende nu van God den tijdt der ghenaden hebbende, dat sy niet alleen in haer Vaderlant ende Vaders stadt harer conscientie vryheydt moghen beleven, maer daer en boven haer exercitien van haer Religien in de openbare kerckē, ende in plaetse die haer verdreven, na er haer ghelieven moghen oeffenen: Nu alrede (segghe ick) haer tegen Godt soo ondanckbaer stellen, mits nu selven doende het gheene sy in een ander eertijts veroordeelden ende verdoemden: vvelckes strydich is teghens alle Goddelicke ende natuerlicke vvetten.

Nu dit selfde cortelick, als voren verhaelt, aenmerckende, hebbe ick door versoeck ende begheerte van sommighe vreed-lievende menschen dit stucxken in een dialogischer ofte t'famen spraecksche vvyse van drie personen teghen't Placcaet voorsz. tot uyven besten aen den dach ghegheven: vvelcke personen als Hollander ende Embder ick aengenomen hebbe, om daer door verstaen te geven, niet alleen mijn ende vele vreedlievende menschen haer gevoelen teghens sulcke tyrannische Placcaten ende Vvetten, maer daer beneffens ende voor al het ghetuychenisse der heyligher Schrift, midts het ghevoelen der Heeren Staten, ende het seggen van den seer geleerden ende vvel verstandigen Annoteerder der Ceulsche vrede handelinghe: mits oock der loffelicke ende vvijsberoemde Stadt Leyden, als die de vryheijt met haer bloedt voorghestaen hebben, ende door bevindinghe seer vvel hier van spreken. Desghelijcken voort oock vanden Ghereformeerden hier by ghebracht, sommige Sententien der partydiger Predicanten, als Iohannis Seu, ende meer anderen, die meer Cains als Abels aerdt in hare
schriften

Schriften zijn thoonende. Alsoo dat in dit volghende ghespreck naedelick ghehoont vvordt, dat den teneur des voorsz. Placcaets, strijdt tegens de heylighe Schrift, teghens het ghevoelen der Heeren Staten, ende alle Goddelicke ende menschelicke vveten: In somma, 'tis vvederomme een ghesochte oprechtinge der oude ghehate Spaensche Inquisitie, tot verstooringhe des Landts vrede, tot beroovinghe des Landts middelen: ende eyndelicken vervveckinghe vanden toorn des Heeren, vvaer door de Landen soudē ghebracht vvorden onder de slavernie der bloetdorstighe Spaingarden, ghelijck de onpartydighe Leser int naer-volghende sal connen breeder spooren: Bidde daerom alle liefhebbers onses Vaderlandts vryheyt, desen mynen arbeydt, die geringe, (nochtans tot harē besten gedaen) is, in danck te vvillen ontfanghen. Ende hadde vvēl ghehoopt dat yemandt vande selfde, die van Gode meerder begaeft zijn, dusdanighen ofte dierghelijcken voor den dach gebrocht hadden, vvaer door dit selfde achter gebleven soude hebben: Ghelijck dit selfde aldus ghedaen zijnde, een vvyle tijds door sulcken hope op gehouden is, dan ten lesten door sommigē goeder vrienden begheerte uytghegheven. Vale.

Utsaensprekinghe van drie personen over

het regereus Placcaet tot Groninghen ghetondicht den

7. September oude stijl/ Anno 1601.

Hollander.

Din seer beminde vriendt/ ick heete D. L. van herten hier in Hollandt wellecom/ ende mijn is lief dat ick D. L. naer den lichaem in dus dani- ghe goede ghestalte vinde.

Embder.

Des is mijn oock van uwe per/soo weder omme: Ende ver- blyde mijn van herten dat ick D. L. dus haestich vinde/ also ick niet wel uwe woonplaetse en wist/ te meer alsoo mijn int herwaerts comen niet sonders gemoet is/ verlanghende tself- de D. L. condich te maken.

Hollander.

Wel eer wy verder in eenige redenen ons begheben/ so moet ick u vrighen ofte ghy oock ontfangen hebt die Boeckkens hier lest uitgegaen/ van een Katelwachts ende Tozenwach- ters waerschouwinghe voor de poppen ende hemelicke vup- ren ghelendt ende gestropt van eenen meulwen stoockebrandt onder de Ghereformetden/ genaemt Johannes Seu/ Predi- cant tot Middelburch: zijn die oock mijn vriendt te handen ghecomen?

Embder.

Ick hebse seer wel ontfanghen/ ende ick dancke D. L. seer voor die vrientchap mijn daer door gheschiet/ ende soo seer ick mijn doort lesen van den Predicant zijn Boeck bedroeft hadde/ also verbljde ick mijn wederomme/ siende de getrou- we Wachters die nacht ende dach neerstich acht slaē op sul- ke periculooze brandtstoockers/ die t oude Spaensche vup- met een Geneeffsche blaes balck wederomme soeckē op te bla- sen/ ghelijck ick nu (God beter) int rensen van Embden door Groninghen wel vernomen hebbe/ welcke brandt/ soose naer haren wil opgaē mach/ het Spaensche Madzilsche vup- niet onghelijck worden sal.

Hollander.

Hollander.

Wel wat ist doch dat u tot Groninghen bejeghent is/ wy
en hebben hier nergens af ghehoort.

Embder.

Het is ghebeurt dat ick op den 7. September ouden stijl
tot Groninghen zijnde/ hoorde de Stadts clocke luyden om
Publicatie te doen/ welcke ick tijdt hebbende ging hoozen:
Welcke Placcaets gheluydt mijn alsulken onbetwachten
donderslach dochte dat by aldien ick de Stadt niet gekendt
hadde/ ghemeent soude hebben ofte ick tot Brupffel gheweest
hadde.

Hollander.

Wel wilt ons doch verhalen/ wat is dē inhoudt daer van?

Embder.

Dat wil ick geerne doen/ dan om dat ick V. L. de sekerheit
soude moghen condich maecten/ sal de Copie vant Placcaet
lesen/ de welcke ick hier by mijn hebbe.

Hollander.

Mijn dunet best te wesen dat ghy met my te hups gaet/ so
moghent wy met opmerckinghe lesende/ malsanderen daer
van spreken.

Embder.

Dat dunckt mijn oock raet saem.

Hollander.

Maer hoe zijt ghy doch aen de Copie ghecome?

Embder.

Ick hebse van een goet vriendt becomen/ ende daer is voo?
waer gheen cleyne droefheydt by veele menschen: Iae by die
gheene die midden onder de Pausslicke regeeringhe in goeden
wyde gheseten hebben/ ende van den Papisten gheduldet zijn/
seggen sulcx nont daer int werck gestelt te wesen: vreesen daer
om dat het Geneeffsche felder bntē sal (aldaer 7. Jaer out zijn
de) als ope het Roomsche (soo veel 100. Jaeren out zijnde) ghe
daen heeft.

Hollander.

Wel ick verlanghe om die doch te hoozen: Want die van
Groninghen

Groninghen heeft men altydt hooren prijsen / Papist zijnde/
van haere groote cevillite: Jae dat zy tot haerder lof noijt
menschen bloedt / om t'stuck der religie vergooten en hebben/
ende wy meynen hier altydts / dat zy in deser vrien tijdt / soo
daer noch eenige Wolfs aerdt gheschuyldt hadde / gans dooz
de Reformatie / aldaer opgherecht / verdwynen soude.

Embder.

Jae het selfde vermoeden was by ons oock / daerom ist een
groote verwonderinghe / ende sal 't selve Placcaet u te vooren
lesen / beginnende aldus.

Placcaet.

Burgemeesters ende Staet laten weten / alsomen in ghelwisse eerbaringhe
comen / dat niet alleene vele inder stadt ende der selver Jurisdictien / sich
onderstaen teghens het beswooren Tractaet metter stadt / Anno 1594. op
gerechtet / andere religien als de Reformeerde te exerceren ende gebuycken /
tot vervalschinghe van Godes woordt / misbuyck zijnder heyligen Sa-
cramenten / ende tot arghernisse ende verleydinghe van vele menschen / dan
oock dat vast vele onordinge ende misbuycken in / ende buyten den Echten
standt / ende sunt anders teghens alhier opgherichtede ende ghebuycke-
like Christelike Kercken ordeninge / in rijten ende gepleecht worden: Ende
wy ons ampts halben plichtich erkennen / sulches alles met ghebeurlic-
ke straffe te bejeghenen ende te weren: Hebben gheordineert ende ghesta-
tueert / Ordineren ende Statueren inids desen als volcht.

Erstlick dat alle Exercitien van andere Religien als der Schereformeer-
den naemaels hier verboden sullen zijne: Ende noch / so wie bevonden wort /
zijn huys ofte plaetse den Wederdoperen / Papisten / ofte anderen teghens
deser Stats Kercken ordeninghe tho ghestaden / om ghepredighet ofte ver-
gaderinghe ghehouden te worden / sal elck mael verbeuren thien daelders.

De Predighet aberst als voorsz. so bevonden sullen worden te predigen /
sullen ydermael verbeuren thien daelders / ofte veerthien daghen te water
ende broode ghesettet te worden / ende ten derden mael also te predighen be-
vonden / sullen der stadt ende der selver Jurisdictie verwijsset worden.

Ende die in alsulcke Predicatie ofte vergaderingen bevonden worden /
sullen yder elckmael verbeuren twee daelders.

So wie bevonden wort yemanden weder te Doopen / sal verbeuren twint-
tich daelders / ende andermael bevonden te water ende te broode / ende ghe-
wesen te worden als voorsz. is.

Item onghedoopte kinderen / sullen gheen erffenisse ontfanghen / ofte be-
henen volgende in Stadts boeck gheselt.

Oock sal niemant tot eenighe Administratie bedieninge / Publicke ofte
Privatie / noch oock tot cunschap ofte ghetuyghernisse toeghelaten worden /
hy doe

hy doe dan de solemnelen daer toestaende Eedt/ alsulcken Eedt wepgerende
sullen ghesraft worden/ als nae recht behoort.

Alle die sonder trouwen in Concubynaetschap leven/ ende sich niet binnen
een maent na der kercken ordeningen/ inden heyligē Echstaet begeven/ sul-
len als Hoereerders/ en nae ghelegentheyt der personen / Arbytralich ghe-
raft worden.

Atem die in bloet schande / ofte verboden graden contraveeren: ofte oock
bupten der ghereformeerde kercke sich copuleren laten / sullen in vererbin-
ghe de goederen/ ende sunts sich der echtschap niet hebben te erfreuwen/
ofte ghenieten: noch oock echte kinderen/ bet heen en sullen sunts noch nae
ghelegentheyt/ ende noot des dades ghesraft worden.

In desen voorszgeschreven breucken te Apliceren / de helst den aenbren-
gher/ ende d'ander helst ghelijck andere breucken inder stadt/ ende der selver
Jurisdictien verballen.

Altes gherefolweert den 5. September/ om op dē toec omenden maendach
metter cloche afghepubliceert te worden.

Tgeene voorszgeschreven aeng. ende de exercititien van religien ende met-
ter cloche afghepubliceert den 7. September 1601. oude stijl.

Burgemeesteren

Tamme Coenders
Abel Coenders
Hillebrant Roltam
Herman VVijfernack

Raets-heeren

Pieter Cornelisz.
Fredrick Cuyter
Govert Eneets
Lambert Hoertiens
Syabbe Broyls
Reynier Roeloffsz.
Egghernick Eghen
Aelbert Iansz.
Ian Vvichterghc
vvas absent

Hollander.

Ick bekenne / ghy hebt redenen gehad om u ober sulcken
 donderslach te verwonderen / en de ingesetenē al daer haer van
 herten te bedroeven / ja niet alleen zy / maer oock alle andere
 onpartijdighe menschen in dese onse gheunieerde Provincien /
 zy zijn dan oock ghesinnet int stuck der religien / somen se sou-
 de noemen: ende tis wel te beduchtē / dat so dese plage daer ge-
 luckich begonnen zijnde / oock anderē wil overcomen / ofte ten
 zy dat de hooghe Heeren Staten / met behoorlike middelen
 by tijts daer in versien / die ick hoope God met wijsheijt sal
 hoe langher hoe meer begaven / om sulcke listighe vier pijlen
 (niet onghelijck / ofte zy upt den Spaenschen koocker getroc-
 ken / ende met de Inquisitsche boghe gheschoten werden) tot
 verderbinge vā des lants vrijhede: Tot tyrannie over de con-
 sciencien / tot verwoestinghe des lants welvaren: En tot gant-
 sche onderganck des Hoochloffelicken ende beroemden naem
 der gheunieerde Provincien upt te blusschen / want anders
 soude dit Placcaet van Groninghen anders niet zijn dan als
 een brugge tot den inganck der Spaensche heerschappijē
 vā welcke ons los te maecten alreede God upt ghenaden
 den Hoochghebooren Prince van Orangien (Hoochloffelic-
 ker memorie) ende noch tegewoordich zijn Princelicke Exce-
 lentie / met vele Goede ende ghemeenne Patriotten des Vader-
 lants verwecket heeft / die welcke haer bloet ghestort hebben /
 ende noch dagelijcx daer voor cloeckmoedich haer leven zijn
 op settende: hope de Almachtighe God salse met zijn cloeck-
 moedighe wijsheijt begaven / om sulcke stoockenbrants / ver-
 der vers des gemeynen bestē / te mupbanden / dat zy tot haer
 bloetdorftich boornemen niet en sullen connen gheraecten.

Embder.

Hier toe is noodich met den ghebede ende beteringhe onses
 levens tot God aen te houden / op dat wijs dooz onse ondanc-
 baerheijt so niet en maken / dat God rechtveerdich met ons
 handele / ende in plaetse vā dat hy ons onder het eerste (wel
 verstaende het Pauzdom) met roeden gheslaghen heeft / onder
 het tweede (de naemdragghende Ghereformeerden) met schoor-
 pioenen laet slaen / het welcke altemael aen hem hanget / die de
 herten

herten der Ouericheden inde handen heeft/ om die te buygen
naer zijn welgeballe/ tot den liebenden kinderen haren besten.

Hollander.

Laet ons nu voort gaen ende ondersoeken de ondeuchde-
lickheijt deses Wandaets/ ende eer wy daer toe comen so moet
ick u vraghen/ ofte ghy tot Gzoninghen zijnde/ daer oock ee-
nighe vergaderinghe der Predicanten/ ofte hooghe Doctoo-
ren vernomē hebt/ als onsen Johannem Seu/ ofte diergelijc-
ken/ wiens raet hier mede wel obereen comt.

Embder.

Ick en kenne hē niet/ noch en weet daer geen bescheijt af te
doen/ dan nu ghy daer af segt/ ic sach daer d'oude mensch van
Embden/ ofte die hier af raet ghebet gheweest is/ en weet ick
niet.

Hollander,

Wel wat is dat doch voort een/ ist een Predicant/ ofte soo een
man by de Ghereformeerde van eenich aensien ofte credijt?

Embder.

Mijn dunckt ghy vraecht naer de bekende wech/ kent ghy
hē niet? Hy is den oppersten Predicant tot Embden/ ende die
de disputatie teghens Pieter van Ceulen (geprotocolleert int
Jaer ons Heeren 1578) gedaen heeft: ende is sulcken man van
aensien/ ende soo vierich van gheest: Dat hy den ouden Gra-
ve/ versoekende (also zijn Dochter gestorven/ ende inde kerc-
ke al daer begraven soude worden) de Predicstoel om zijn Hof-
predicker (also hy vander confessie ghesintheyt was) de lijck-
Predinge daer op te mogen doen) sulcx manlick ende ernste-
lick heeft derven wepgheren: verghefelichapt zijnde met seke-
re Burgers in grooter getal/ de welke haer sackē ooc seer wel
versien haddē met S. Stevens geschut/ om oft de Grave te-
ghens hem opghestaen hadde/ yn dan gerhoont souden heb-
ben haren Goddelicken poer tot haren zielzorger. Hy is oock
die binnen Gzoninghen de eerste Ghereformeerde Predicatie
ghedaen heeft/ ende voortwaer aldaer wel behoort gheacht te
wesen/ als die sorge vraecht voort den voortganck zynder ge-
plante leere.

25 ii

Hollan-

Hollander.

Wel vrient/ ick weet nu wel wie ghy meent/maer ick achte
ghy ghedooft hebt int noemen van zijn naem/ want ghy segt
oude mensch/hy heet Mensoo.

Embder.

Ghy hebt wel ghelijck / maer sulcke wercken hier vooren
verhaelt / mogē niet recht niet den nieuwen mensche toeghe-
schreven worden/de welcke een ander doet/ het ghene hy wilde
hem gedaen worden/maer den ouden mensche.

Hollander.

Holla daer worde ick gheroepen / daer is een bande Ghe-
reformeerde die mijn wil spreekken/ick moet gaen sien wat hy
wil:vrient ick heet u tot mijnen huse welcom.

Ghereformeert.

Ick dancke u/d'oor/aecke van mijn comste alhier is / dat
ick verstaen hebbe / hoe ghy een vrient ghecreghen hebt van
Embden/ die door Groninghen reysende / het nieuwe Man-
daet den 7. September met clockeslach heeft hoozen Publi-
ceren/ ende dat hy oock een Coppe mede gebrocht heeft/die ic
(soo't hem beliesde) wel eens soude willen hoozen lesen.

Hollander.

Dat sal hy geerne doe/ gaet met my boven op mijn Can-
toor/daer is hy nu teghenwoordich/ende ghy comt recht van
passe/al ofte het ghewet ware / want wy zijn met ons beyden
daer van spreekende. Siet hier brenghe ick noch den
derden/ die aen mijn comt versoeken/ ofte ghy hem de Coppe
des Mandacts van Groninghen eens wilde te vozen lesen.

Embder.

Hy moet welcom wesen/ick salt hem gaen lesen.

Hollander.

Wel daer hebt ghyt gehoozt:hoe behaecht u dat?

Ghereformeerde.

Het behaecht mijn seer wel/want het ampt der Oberhent/
is haer van Gode opgheleijt/om niet alleen sorghe te dragen
voor de tweede tafel des Wets / maer oock principaellicken/
en voornemelick voor de eerste/de welcke den gansen Gods
dien

dienst in haer is begrijspende/niet dat ick segghen wil / dat zy
macht hebben niet inden Gods dienst te ghebidden / ofte ver=
bieden / maer alleen die te beschermen ende te vorderen / dat se
eendrachtich onder haren onderdanen eenē geluckigen vorst=
ganck mach hebben/het welcke niet ghevoechghelicken ghe=
schieden can / ten zy dat alle valsche Gods dienstē van haer/
dooz haer ontfanghen macht/gheweert worden / ghelijck die
van Groninghen in dit voorgelesen Mandat/ oock getrou=
welick beginnen te doen. Hollander.

Dit Liedeken en hebt ghy also niet gesongen / schuplen=
de onder de tyranni des Paus doms : Maer ghy songt te
dier tijdt niet ons veel een ander Liedeken/welck oock goet
ende warachtich is/eenen stercken ende vasten gront heb=
bende in des Heeren uptghedruckten woorde.

Ghereformeerde.

Wat Liedekens soudē wy gesongen hebben / dan die
gene/die wy noch daghelicks singhen/te weten/die geeste=
licke Palmen des Coninckliken Propheten Davids.

Embder.

Het schijnt Broeder dat ghy niet ons spottet: Ghy verstaet
seer wel dat onse vriende vā sodanige liedekens niet en spreekt:
Welcke liedekens/als sy metten selven oft upt den selven geest
gesongen werden/dooz den welcken David ende andere man=
nen Gods de selve gemaect ende gesongen hebben/ God al=
machtich sonder eenigen twyfel seer weert ende aenghenaeem
zijn: Maer so sy alleene metten monde ende lippen ghesongen
worden/vooz hem een grutwel zijn: Niet de liedekens in hem=
selfs/dan die hypocryten ende godloosen/die dē H. name Go=
des misbruycken/ende te vergeefs in haren mont nemē: Onse
vriendt (so ghy selven wel mercken condit/wil dit seggen / dat
ghyluden/ die gereformeerden/so wel als die mē Martinistē
noemt te zijn / schuplende onder het crups ende tyrannie des
Paus doms/ende Spaensche Inquisitie / vant selve geboelen
geweest zijt/waer in wy luden noch op desen hundigen dach
persevereren en blyvē/als namentlick/dat mē na Christi onses
Heeren en alleen eenigen Meesters leere ende bevel/den kysser
(dat

(dat is der Overhepdt die ghebiet over ons heeft) gheben
sal wat des Keyfers is/ ende der Overhept toecomt/ welck
nae de Leere Pauli is/ schattinghe: tol: vrese ende eere Ro.
13) ende God salmen gheben wat hem toe comt: te weten/
den geheelen inwendigē menschen/ het her te en gemoet des
mensche/ over het welck God alieen het ghebedt ende re-
geeringhe heeft. Welck ~~Sigismundus~~ ghewesen Coning
van Polen noch Papiſt zijnde seer wel verstaen heeft/ ende
daerom gheensins over den inwendigen mensche (die con-
scientie) en begheerde heerschappij te hebben: Ende Gallio
een Heyden zijnde / beter verkondt / als nu ter tijdt ver-
staen die gene/ die haer vooz de beste ende verstandichste
Christenen durven uptgheben. Want als die Joden een-
drachtichlick teghen Paulum opstonden / ende hem vooz
den Rechter stoel brachten/ segghende / dese raedt den men-
schen Godt te dienen teghen de Wet: Seyde Gallio de
Rechter totten Joden: waer daer eenich ongheluck ofte
quade seften ghedaen ~~O~~ Joden/ soo waret doch reden dat
ick u hoorde: Maer indien daer twist is van uwe reden/ of
name/ ofte Wet so siet ghy selfs toe/ want ick wil daer over
geen Rechter zijn: Ende hy dreefse wech van den Rech-
terstoel Acto. 18/12. Pilatus en soude oock Jesum geens-
ins ghecrupst hebben/ om zijn Leer/ verstandt ende geboe-
len/ hoe seer hy oock van den Oudten des volck / van den
Priesteren/ Hooghe-Priesteren/ en tgemene volck beschul-
dicht wert/ als een valich Leeraer/ verboerder ende verlep-
der des volck/ iae als eene Godes lasteraer: Maer alſe ten
laesten hem beschuldichden als eenen die hem selfs hadde
opgheworpen als eenen Coning/ ende daerom in dat stuck
den Keyser widersprekende was: So heeft hy hem als een-
en opzoetmaker totter doot veroordeelt/ Ioan. 19/12.

Ghereformeerde.

Ghy stelt ons hier (goede vriendt) vooz ooghen exempe-
len

len van Magistraten die welcke sommighe Papiſt / die an-
dere Heydenen gheweest zijn. Wat gaen ons doch sooda-
nighe exempelen aen? Ghy soudet ons voorstellen exempe-
len van Christelicke Overheden.

Hollander.

Het is een ghemeen segghen by de ghelzerden / luydende
aldus: Qui bene distinguit, bene docet: Welcks te seggen
is dat de gheene die wel onderschepdet oock wel leeret: Het
schijndt dat ghy luyden / ofte immers uwe voorstanders
ende Leeraers niet wel onderschepden / daerom spluyden
oock niet wel connen leeren: Of selve nu gheschiet upt on-
verstant / ofte upt het al te vast betrouwē van haer luyden
Schribentē / datse selfs de sake niet verder naednicken / dat
laet ick zynen wech gaen: Alsoos ist secker dat ghyluyden
ende uwe Leeraers niet recht onderschepdt het ampt des
Magistraets / van die persoon / de welcke het selve ampt
bedienet: Want ghy maect onderschepdt tusschen eene
Christelicke Overhept / ende Heydensche ofte Papiſtische
Overhept / de welcke doch gantsch gheenen grondt en heeft
in Gods woort / noch in namerlicke reden / hebbende haren
grondt in Gods woort. Dit en hebben noch Christus noch
zijne Apostelen noyt gedaen: Paulus seyt wel updrucke-
lick dat er gheen macht en is / dan van God / ende die mach-
ten zijn: Die zijn (seyde hy) van God verordineert. Wie dan
die machten wederstaet / die wederstaet de ordeninghe Go-
des: Ende diese wederstaen / die sullen haer oordeel tegen hen
selven nemen / Rom. 13. Die H. Godlicke Schrifstuer wiset
ons op het Godlicke ampt / ende wil dat wy den selven ghe-
hoorsaam zijn sullen: Maer wiset ons niet op die persoon /
de welcke het ampt bedient. Want die personen / die welcke
te dien tiden het ampt des Overhepts bediende / waren vooz-
waer gheene Christenen: Wie ick achte ghy selfs geern van
herten jult bekennen / doet ghy niet?

Ghere

Ghereformeerde.

Ick en soude anders niet weten te seggen met waerheyt/
of alle de geene / die welcke te dier tijt tot Romen het ampt
des Overhepds besiedden / Romeynen / dat is Heydenen /
gheweest zijn.

Hollander.

Die Keyser Augustus (onder welcken Christus ghebo-
ren wert: Den welcken oock Ioseph ende Maria gehoor-
saem waren / ende op zijn bevel met moeyte ende arbeidt
tot Berchlehem quamen) was die selve Keyser een Christen
of niet?

Ghereformeerde.

Hy en conde geen Christen zijn / want men ter selver tijt
van Christo / ofte den Christenen niet en wiste te segghen.

Hollander,

De Keyser van welckē Christus seyt : Gheeft hem wat
hem toebehoort: Ende die Keyser aen welcks Rechterstoel
Paulus appelleert Actozum 25/11. waren de selve met ha-
re Stadthouders / de welcke de Keyser te Jerusalē / tot Ce-
sarten / en elders hadde (als Claudius / Lisiās / Felix / Festus /
die Coning Agrippa) waren die selve (segge ick) Christenen
ofte niet?

Ghereformeerde.

Gheensins.

Hollander-

Wel aen: ghy bekendt (welck wy oock gheern met u be-
kennen) dat die boornoemden gheen Christenen gheweest
en zijn: Wy nement oock alsoo / dat zy luden geheel geen
kennisse Godes gehadt en hebben / iae dat sy / ende elck een
van hen luden / lidmaten des Dupvels soudē gheweest
zijn / (welck ons nochtans / iae niemandt des werelts staet
te oordeelen / van God allene:) Is daerom niet ebenwel het
ampt des Overhepts Goddelick / ende volgens dien / Chri-
stelick? Want wat Godlick is / dat is Christelick / ende wat
Christelick

Chriftelick is dat is Godlick: Waer upt nootfakelick volge
moet/ dat sy luyden / soo wel als alle die geene / die het ampt
der Overhept van begin des werelts aen bedient hebben:
noch bedienen/ ende tottet eynde des werelts bedienen sullē/
een Godlick ende Chriftelick ampt bedient hebben / bedie-
nen / ende bedienen sullen/ niet teghenstaende wat spluyden
(soo veel henluyden personen / gheloobe / religie/ etc. aen-
gaet) voor menschen gheweest zijn: Waerom alsoodanighe
met recht ende waerhept/ int respect van haer ampt / ten
Godlike ende Chriftelike Overhept mach genoemt wer-
den: Ghelyck de Schryfter totten Hebreen oock van den
waren Echten staet seyt: Het houwelick (seyt hy) is by allen
(merckt dat wel/ dat hy seyt by allen sonder upnemen van
persoone) eerlick/ ende een onbebleckt bedde: Maer de hoer-
reerders ende overspeelders sal God oordeelen/ Hebr. 13/4.
Is nu het houwelick by allen menschen / die in den houwe-
licken staet leven / eerlick ende een onbebleckt bedde/ soo ist
by den ongheloobighen soo wel eerlick/ als by den geloobi-
gen: Want het ongheloobe der ongheloobigen (so Paulus
seyt Ro. 3/3/. en mach Godes geloobe/ gabe/ goederē en God-
like ordinantie) niet te niet doen: Ghelonthept des lichaems/
tijlicke goederen/ zijn gaven Godes. ende blydē gaven Go-
des/ Jae die Sonne/ Mane/ Sterren/ die Zee ende wat daer
in is: het gheheele aertrick / ende wat daer in is / zijn heer-
like gaven Godes/ so wel dē onghelovigē als den geloovigē
en ongheloobe/ ja die godloosheyt der onghelovigē en godloo-
sen/ en connē die ordinantien ende gaven Godes niet te niet
doen/ Misbruycken connen sy die ordinantien ende gaven
Godes: Maer door haer misbruyck en mogen se niet te niet
doen het gheene dat goet ende Godlick is: Waer upt dan
volghen moet/ datter geen onderschept te maken is tusschen
het godlick ampt der Overhept/ bedient werdende van on-
ghelovigen/ ja godloosen personen/ ende tselve ampt/ be-
dient werdende van ghelovighe ende godsalighen persoo-
nen.

C

nen. Want het ampt is ende blijft een Godlick ampt. Mis-
bruyckt can het werden (so gesent is) ende ondert decksel vant
selve Godlick ampt can tyranni ghebruyckt worden: Gelijk
men onder den naem ende decsel van goede waer/valsche waer
can vercoopen/ende onder het decksel van goede Leer/valsche
Leer den eenvoudighen can voorzaghen/ ghelyck of het die
rechte warachtige Leer waer/ ende de mensche onderstaen can
wijs te maken: Niet tegenslaende dit/ blijft goede waer goet/
ende de rechte Leer/ blijft de rechte Leer.

Ghereformeert.

Dat is de waerheyt.

Hollander.

De wijl dese dan gheen Christenen gheweest en zijn/ende niet
teghenstaende dit/de H. Gheest door den mond Pauli ernste-
lick ghebedt/datmen haer luden gehoorzaam ende onderda-
nich zijn soude/niet alleen om de straffe te vermyden/maer ooc
om die consciencie wille: Moet noot sakelick volghen/ dat hy
niet die persoon/maer het ampt gherepecteert wil hebben.

Ghereformeerde.

Ick en can tselve nae mijn cleyn verstant niet weder spreken.

Hollander.

So nu het ampt des Magistraets hem streckende waer tot
dwang van de consciencie/soude Paulus sonder twyfel niet ge-
boden hebben haer luden gehoorzaam te zijn/ om de conscien-
cie wille: Want om de consciencie wille te doen tghene dat te-
ghens de consciencie strydet/dat en mach geensins bestaen.

Ghereformeerde.

Ick laet u tselve geern toe: Want ick en hebber niet teghens

Hollander.

Ende soo het ampt des Magistraets hem streckende was
tot dwang van de consciencie/soude sonder twyfel de Rome-
nen/te dier tijdt heerschappye hebbende over tghheel Jodi-
sche landt/die Joden/soo wel als die Christenen/ghedwongen
hebben/ tot haer luden Godes dienst/den welcken sulden
sonder twyfel voor den besten/ende hoochsten Godes dienst
hebben ghehouden?

Ghere-

Ghereformeerde,

Dat is ghelocklick

Hollander

Maer waer in is dan de prijs ende straffe ghelegghen:
ende wat zijn het vooz goede ofte quade werckē / daer van
Paulus seyd: De Oversten en zijn niet te vreesen den geenē
die goets doen/maer die quaet doen.

Wilt die macht niet vreesen so doet goet/ende ghy sulc
prijs van haer hebben: Want het is Godes dienaersse/ dy tot
goet (seyt Paulus) Maer ist dat ghy doet tgheene dat quaet
is/so vreesse/want sy dragen het sweert niet te vergeefs: Dan
sy is Godes dienersse: Een wrecker tot straffe den geenen die
quaet doen: Daerom moetmen onderdanich zijn / niet alleen-
lick om der straffe/maer oock om der conscientie / Rom. 13/1.
Can nu dit goet ende quaet doen daer van prijs oft straffe
hebben / naet segghen Pauli ergens anders in gelegen zijn
dan in die Policie/ ende regheeringhe der ondersaten/ om
met malcanderē in stilheyt/ rust ende vrede te leven?

Ghereformeerde.

Maer waer blijft die Religion?

Hollander.

Als Paulus Rom. 7/12. aldus seyd/ is dat eenich Broe-
der die een onghelovich Wyf heeft /ende de selve te vrede is
met hy te woonen: Dat hyse niet en verlaet: En een Wyf
die een onghelovich Man heeft /ende hy te vrede is met haer
te woonen/ datse hem niet en verlate: Waer blijft hier de
Religion?

Embder.

Nach een ghelovich Man / een onghelovighe Vrou-
we alle nacht in synen arm / oft in zijn bedde legghende/
hebben? Daghelicks met haer eetende ende drincken-
de / op ende af gaen? Kinderen by haer tughen?
ende

ende niet verlaten om haers ongheloofs wille/bn soo verre sy
(die vrouwe) wel begheerdt by hem (haeren Man/ een ander
Religion ende gheloove hebbende/ als sy heeft) te woonen:
Waerom soude dan een Overhept/ die voor haer persooone een
Christen en geloovich is/niet by haer/in haeren Lande/Stadt/
Plecke ofte Dorp/dulden ende lyden Onderfaten die van hen-
luden/der Overhept ende ghemeene Burghers/Religien ofte
gheloove niet en zijn/als sy anders in aller onderdanicheyt/na
uytuytvinghe van die Politijck sche regeeringe (gebende schat-
tinghe/tolle/breese ende eere) met henluden (der Overhept) en
mede inwoonderen der Stadt/ ofte plaetsen begeeren te woonen/
hun oock na buerlick ende burgherlick begheeren te draghen.
Ghereformeert.

Tis wel alsoo: Maer als sy luden haer ongheloove ende
onverstant by haer selfs hielden ende ver/wegen: Maer het is
openbaer/dat sy luden ongheloovich zijnde/oock gheern tsel-
ve haer ongheloovich gevoelen in alle andere menschen soudent
willen planten.

Embder.

Ik achte dat een ongheloovich Man/ ofte ongheloovighe
Vrouwe / tselve oock soude doen willē. Want elck Aep meent
dat haer jonghe een Paer is/ ende elck meent dat zijn gheloo-
ve/opinie/ende ghevoelen het beste is: Maer Paulus en steldt
daer in gheen mate ofte reghel/ seggende: By soo verre die on-
gheloovighe Man ofte Vrouwe haeren ongheloove ofte val-
sche opinie by haer selfs wil houden/ende den selven niemant
ontdecken ofte openbaren: Maer slecht segdt hy/als het haer
believet met hem: ofte hem (den ongheloovighen) believet met
haer te woonen/soo en sullen sy niet schepden. Sept oock redē
waerom. Wat weet ghy Vrou/ oft ghy uwē Man mocht sa-
lich makē: Of wat weet ghy Man/ of ghy u Wiif sult salich
maken/dat is: tot beteren verstande/ opinie / ghevoelen/ende
gheloove brengen.

Ghereformeerde.

Maer Paulus en sept niet dat een gheloovich Man een on-
gheloovighe Vrouwe: ofte een gheloovighe Vrouwe een on-
gheloovighe Man mach nemen: Maer hebbende/ en sal die
gheloovige

gheloobighe den ongheloobighen niet verlaten / by soo verre
die selve begheert te blyben. Al ist dan dat een geloobich Ma-
gistraet / met reden niet en soude moghen verdrypen onder sa-
ten / in haren Lande / Stadt of plaetse geboren ende opgetogen
zijnde / so verre sy byzom ende burgerlick hen houden ende dra-
ghen: soo en souden se nochtans gheen ongheloobighen / zijnde
van anderen gheboelen als sy selfs zijn / niet moghen opneemē /
beschutten ende beschermen: Want een wemich suerdeesems
versuert den gheheelen deesem / soo die selve Paulus oock sept.
Hollander.

Of dat alsoo soude te verstaen zijn / ghelijck ghy tselve hier
dundet / dat laet ick hier zynen wech gaen. Want mijn voor-
nemen hier niet en is alles te verantwoorden: Blyvende dan
by onsen propoost: Ghenomen dan / dat tselve also soude mo-
ghen ghedundet werden / so ghy het dundet: Waer is dit by dē
Catholicken alsoo ghedaen gheweest / hebben se ons haer in
gheseten ende geboren medeburghers van jonckhepdt op in
die Religie onser ouderen opgetogen zijnde / ons stil ende bur-
gherlick draghende / wel willen syden? Hebben se ons niet upt
ons Vaderlandt ende welbaert verdreven? Dat is warachtich:
Maer cont ghy tselve prysen?

Ghereformeerde.

Gheensins.

Hollander.

Cont ghy prysen tgeene onlangs tot Ceulen gheschiet is /
waer van die Hoogheweker spreekt?

Ghereformeerde.

Hoe soude ick tselve prysen connen?

Hollander.

Hoe cont ghy dan prysen het Placcaet tot Groningen ghe-
publiceert / welck tminste gaet over die nu eerst daer zijn comē
woonen: Maer meest over de ingheseten ende ingeboren bur-
ghers / die by der voorgaender Overhept / sonder eenighe swa-
richent / ghelt boete / of dierghelicken gheduldet zijn gheweest:
Ende nu eerst van u lunden Ghereformeerden groatelicks be-
last ende beswaert worden: Doch dit overghelagen / ende om
die

die saecke verder te verstaen: Wat can een Magistraet die
voor haer persoon ongeloovich is/ verstaen wat in de waer-
heyt voor God/ goet oft quaet is? Prijflick of onprijflick is?
Der straffe of des roems weerdich is? Van alleen soo veel
de Policie ende Burgherlicke regheeringhe: Onderdanic-
heyt ende ghehoorsaemheyt tegens haerluyden wette-
licken Magistraet aengaet? Hoe condē de Romeynē Chri-
stum nae die Letter niet kennende/ die Christenen prysen
int gheene dat syluyden van Christo hielden ende verstou-
den? Oft hoe condē sy draghen die Joden int gheene/ dat
syluyden van God ende den schriften Moyses hielden ende
gheloofden? Sonder twyfel/ en hebben syluyden aen hun
niet gheprisen dan haren uytterlicken handel ende wandel/
waer in sy hun als vrome ondersaten ghedraghen hebben:
Straffende ende uytropende die gheene/ die mupterie aen-
richten teghens hare wettelicke Overheyt/ ghelijck ghe-
daen hebben Theudas ende Judas Galileus/ de welcke
met allen haren aenhangh deerlick verslaghen ende uyt-
gheroept zijn gheweest/ Acto. 5/36/37.

Ghereformeerde.

Maer als nu de persoon die welcke het ampt des Magi-
straets bedienet/ selfs een recht Christ geloovich mensch is/
ghelijck nu zijn de Magistraten in den ghereformeerden
landen/ steden ende plaetsen/ soudē die selve niet goede Chri-
stelicke wetten moghen maecten? En souden die onderda-
nen niet schuldich zijn de selve te onderhouden?

Embder.

Hola goede vrient/ dat is al wat veel gheseyt/ ghelijck nu
zi n die Magistraten inden ghereformeerden Landen/ het
soude schynen als of onse genadige Heere Grave van Emb-
den: die Ceurvorst van Brandenburg die Cheurvorst van
Saxen/ die Paltzgrave Cheurvorst/ ende andere seer veel
Vorsten

ie
r
3
el
c
e
n
n
at
de
m
l/
n:
n=
e=
ie
to

Dorsten/Graven/Oberheden/ende treffelicke Riicrſteden/
gheene Chriſtenen zijn ſouden: Doorwaer dat is al wat te
veel ende partijdich gheſproken/iae het is openbaer upt verſ
ſcheyden ſchriſten/die Calvinus ſelfs/ Beſa/ Petrus Mar
tic/ Bucerus/ Bullingerus/ Swinglius/ Rodolphus Gual
terus/ende andere Calviniſch ofte Swingliſch geſint zijn
de/aen ſoodanighe Cheurborſten/Dorſten/Graven/Riicr
ſteden der Auf burchlicher Confession togedaen zijn/ghe
ſchreven hebben: dat ſylupden ſoodanige Oberheden vooz
Chriſtelicke Oberheden bekenne: Waer ſoudt ghy daerom
haerlupden kercken ordeninghe aen nemen? Haerlupden
ghebruyck ende ghevoelen vant Nachtmael/Doopſel ende
dierghelicke aennemen ende onderhouden/woonende in
hare Landen/Steden oft Dorpen?

Ghereformeerde.

Gheensins.

Embder.

Waerom niet?

Ghereformeerde.

Overmits ſy ſtrpdende zijn teghens mijn conſcientie.

Embder.

Soe en wilt ghy dan in uwe conſcientie niet zijn ghe
dwonghen?

Ghereformeerde.

Gheensins.

Embder.

Waerom wilt ghy lypden dan andere goede lypden
dwinghen in haer conſcientie/om te doen ende te onderhou
den/dat teghens hare conſcientie ſtrpdende is? Ende boven
al verwondert my ſeer dat ghy van trouwen ſegt in uwen
kercken ende van uwen kercken dienaren: Waer hebt ghy
lupden doch daer van bevel ofte exempel der Schriſtueren/
ſo wel des ouden als des nieuwen Testaments?

Hebt

Hebt ghy ont ghelesen dat de Propheten/ofce de Priesteren
des ouden Testaments: Christus of de Apostelen des nieu-
wen Testaments/der luden Echrenstaet inden tempelen
ofce kercken/voor alle man teghenwoordich zijnde/ beve-
sticht hebben? Oft hebt ghy opt gelesen/dat de Propheten/
Apostelen/Priesteren/die Herders ende Leeraers van God
ofce synen Soan Christo Jesu ghebodt ende bevel gehadt
hebben om sulcx te doen?

Ghereformeerde.

Maer het is een loslick ghebruyck voor veel hondert ja-
ren onderhouden in der kercken.

Embder.

Maer wie heeft het eerst inghestelt/ als de Paus metten
synen om ghelts wille? Doch wy laten dat nu varen / ende
besluptende segghen wy: Dat ghelyck ghyluden niet be-
geert in uwe conscientie ghedwonghen te zijn: Ghy oock
anderen niet en sult onderstaen te dwinghen in haer luden
conscientie. Maer om alle dese saken breeder te verhalen/
sal u goede vrient eens behoeven te lesen tghene op de Ceul-
sche by een comt syner Majesteit/ ende der E. seer vermo-
ghende Heeren Staten van onser gheunieerde Provincien
verhandelt is. Leset/soot u belieft / het geboelen der Hee-
ren Staten/gheannoteert ende gheteckent by een seker per-
soon daer toe gheordineert by zijn Excel. hoochloflicker ge-
dachtenisse/ende der E. seer vermoghenden Heeren Staten.

Annoteerder,

Hy is qualick geleert ende onderwesen/die hem heeft laten wijs maerken/
dat het gheestelick rijck onses Heeren Jesu Christi/ende het wereltliche po-
letijck rijcke (die wel beyde in dese werelt ende van God zijn / maer peghe-
lijck in zijn orden zijn eygen loop heeft) een rijcke soude zijn/daer die nochtans
van malcanderen verder verschillen/van de Hemel ende Aerde / Gheest ende
blees/leven ende doot/eeuwich ende tydelick/¶ 196.

Ten eersten staedt naerstich te aemmercken / dattet zijn twee gheslachten
van Adams kinderen/waer af het een den rijcke Godes toebehoort / onder
het hooft Christum / het ander behoort toe het wereltliche rijck onder den
Majestaet/¶ 167.

Christus

Christus selbe heeft dat al onderscheyden/ ende in eenen bonde 'tsamen ges-
bonden/ Matth. 22. segghende: gheeft den Keyser dat den Keyser behoort/
ende God dat God toebehoort: is dat des Keyser's macht sich strecke tot
int rijcke Godes/ ende van zijn macht niet en waere verscheyden/ wat nootd
waest het onderscheyden van dese te stellen? ¶ 70.

Maer af het een is onzichtbaer ende niet van de wereldd/ maer het ander
sichtbaer ende vande wereldd: soo mede zijn niet alleen de rijcken/maer oock
der Coninghen ondersaten.

Hollander. Leest vorder aen dese plaetse.

De Magistraet is qualick gheleerd/ onderwesen ende verleijdt/ dat zy als
een wereltlick Magistraet met haer officie ende oordeel (twelck dese wereldd
aengaet/ ende van deser werelt is) het rijck Christi (dat van deser werelt niet
en is) heeft willen regeeren ende gouberneeren/ daer tegens spreckt Christus/
als hy seijdt/ mijn rijck en is van deser werelt niet/ andersins souden mijn dies
naers voor mijn stryden/ om dat ick inde Joden handen niet en soude ghele-
vert worden/ Ioan 18/36. ¶ 196.

Maer het eeuwich geestelike ende hemelsche rijcke Christi/ twelck hier in
dese werelt by den kinderen Godes zijn beginsel ende voortganc int gelooue
heeft/ ende daer ten laersten in alle volmaectheyt sal beginnen/ ende minner-
meer eynde hebben/ dat regheerdt onsen Heere Christus Iesus /de Heere der
Heeren/ ende Coninc der Coningen ende Overicheden/ wien God den Vas-
der alle macht heeft ghegheben/ ende aen zijnder rechte zijde ghestelt heeft/ al-
leene ende voor hem seluen door zynen heylighen Gheest/ ¶ 167.

Het wereltelike rijck heeft de Wetten/ den welckē die lichamen ende goe-
den der menschen zijn onderworpen/ behaluen dese/ ende hevet gheen recht
noch macht/ ¶ 167.

Dat niemant en behoort noch en mach de sielen yet ghebieiden/ die haer
niet en weet de werch te wijsen/ die tot den Hemel leydet/ dat en can niemant
doen dan God alleen/ daerom en moet in dese sake die de zielen aengaen/ niet
geleert noch aenwaert worden/ dan het reyn en eeuwich woort Godes/ ¶ 167.

Ick meyne dat by dese woorden ghenoech blijkt/ dat dt ziele bevyjdt is
voor de menschelike macht ende wereltelike overheijdt/ ende datse Godes
heerschapppe alleen ghelaten is/ ¶ 168.

Die sienlike Coninc heerschapt ober der sienlike ondersaten/ en onzicht-
bare siele niet/maer alleen ober hare lichamen ende goederen.

Daer en boven/ hoe hot ende plomp dat zy zijn/ nochtans moeten zy ken-
nen/ dat hem gheen recht is ghegheben aen de ziele/ want gheen mensche en
can de zielen dooden/ weder levendich maeken/ inden Hemel optreken/ ofte
inder hellen werpen/ d'welck Christus bevestighet/ Matth. 10. segghende/ en
breeft niet den genen diet lichaē doode/ aēgelie sy de siele niet en mogē doode/
maer ontfiet meer den genen die ziele ende lichame inde eeuwige pyne mach
werpen/ ¶ 167.

Want de ziele en is niet ghestelt onder des Keyser's macht/ want hy en can
haer niet leeren/ noch leyden/ noch dooden/ noch levendich maken/ noch bin-
den/ noch ontbinden/ noch verwijzen/ noch ontslaen/ noch vast houden/ noch
laten

laten gaen/welcke sake nochtans behoort te gheschieden soo verre als hem
macht ware ghegheven om te ghebieden!

En alle dese sake heeft David over veel hondert Jaren met corte woorden
tsamen begrepen inden 113. Psalm daer hy seyt/de Hemel heeft hy gheghe-
ben den Heere van den Hemel/maer de Aerde de kinderen der menschen/ dat
is te segghen/den mensche is van God macht ghegheven over aerdsche sa-
ken/ende alle wat den aerdschen rijcke toebehoort/maer over hemelsche sa-
ken/ende al wat het opperste rijcke toebehoort/ heeft alleene de hemelsche
Coninck heerschappye.

Onsienliche Coninck ghebiet/als over zijn eyghendomme ende schepfel:soo
noch seggen de generale Staten.

De generael Staten.

Mits dien dat wy in dese groote benautheyden wel hebben gheleert / dat
het regiment vande ziele en conscientie Gode alleen aengaet/ ende dat hy de
warachtige wyker en straffer is vande gequeste of gheschende religie/It. 57.

Ende van weghen dat deel niet d'welck wy Gode gheloben/ ende tot zijn
rijcke gheroepen worden/en moeten wy gheuen menschen onderworpen zijn/
die in ons souden willen 'tselfde te niere doen/dat God tot den eeuwighe le-
ven hem gewaerdicht heeft te schencken/It. 38. ¶

Augustinus ende Chrysostomus opt woordt Matth 22. gheeft den Keyser
dat den Keyser/ende Gode dat Gode toebehoort. De penning ofte munte vā
de Keyser is goud/de penning Godes is de mensche / inde ghemunte penning-
ghen wort de Keyser ghesien/maer inde mensche wort God ghekent / daer-
omme gheeft uwe rijckdom den Keyser/ende bewaert Gode alleen de memo-
rie vander conscientie/It. 38.

Dat de Princen ghemaectt ende inghesteldt zijn om de ondersaten/maer
d'ondersaten niet om de Princen/It. 166.

Want alst gemeyne volc henlieden/den Coningen/zijn heerschappye heeft
ghegheven / ende dat zy nae de Wetten leven/so is openbaer dat zy niet haer
eygen/maer vzeinde macht bedienen/ende dat zy soo seere niet en zijn Heere
vanden volcke als dienaers Godes/ende vande gemeynte/It. 144.

Het is onghelijck anders inde gheene die eens anders saecken doet: Of die
eens anders profijt aengaen/sodanich als de Prince is/die so seer niet en heeft
heerschappye vanden volcke / als hy 'tgoubernement doet?

Noch segghen de Staten.

Dat een Prince vande Lande van Gode ghestelt is/hoofst te zijn over zijn
ondersaten/om de selfde te bewaren / van alle onghelijck/ overlast ende ghe-
welt/ghelijck een Herder tot bewaernis vande Schapen:ende dat de onder-
saten niet en zijn vā Gode geschapen tot behoef vande Prince/om hē in alles
wat hy beveelt / of het Goddelick of ongoddelick is / onderdanich te wesen.
Waer upt volcht dat het volck niet en is ghemaectt / om des Magistraets
wille/ghelijck een Momboz om de Wese / ende niet de Wese om des Mom-
bozs.

boys wille ghestelt wort/ende ghelijck een Herder om de Cudde/maer niet de Cudde om den Herder gheordineert/£. 167.

Maer de Prince is om der Onderfaten wille/sonder welke hy geen Prince en is. Voort soo blyckt dat de Coninck om het volck wil gheordineert is: want ghy en cont niet segghen/dat alle menschen eer souden geschapen ende ghemaectt zijn/om hondert /r' 3p meer ofte minder personen/die ghemeynlick niet beter en zijn/dan dat dese om henlieder wille souden zijn geschapen/maer de reden eyscht dat de geene/ om wiens wille een ander is/beter dan de selve ghehouden 3p/£. 10

De Overicheydt/sept Aristoteles/ is om het profijts wille vanden ondersaten/£. 167.

Liever segt nu/hoe veel redens ende wijs hepts in hem is/ die Wetten ghemaeckt heeft teghens de ghene / daer over hy gheen ghewelt en heeft/ r. 168.

Want dat de ziele soude niet wereltlike Wetten bedwongen worden/ dat en wil God niet/noch en can dat niet lyden/die alleene recht ende heerschappige over haer heeft/£. 167.

Daer teghen bestierdt de sichtbare Coninck 3pne sichtbare Onderfaten/ niet waerlike Wetten: Daerom als de wereltlike Overhept dwaesselick bestaet den zielen wet te gheuen/ soo slaet 3p haer handen op Godes erve/om datse de zielen verleyden ende veruuelen souden/£. 167.

Het wereltlike rijk heeft die Wetten / de welke des menschen lichamen ende goeden zijn onderworpen/£. 167.

Daeromme is de Magistraet qualick gheleerdte ende onderwesen/dat 3p heur laten stellen van weghen heur offitie inde plaetse Godes/ ende int rijke der ghenade Christi/omne daer inne te regeren/gouberneeren/gebieden ende verbieden/£. 195.

De Annoteerder.

Daer hebt ghy nu het onderschept/ van het Gheestelike ende Wereltlike rijke/van de Gheestelike ende Wereltlike Magistraten/ van haerlieder Officiers ende dienaers/welcher te samen boeginge ende onder een mengen/ heeft in desen laetsten tijdt/ ghelijck oock eertijds/ alle ellende ende droefheyt opgebracht: want daer door is de regerende Coninck Christus onse Heere verstecken / ende uyt zijn Gheestelike rijke verworpen geweest/ende smaetheyt aenghedaden/ iae hem is zijn eyghen/ende behooylike glorie ende macht benomen gheweest ende omghefloet/etc.

Ghereformeerde.

Ick en begheere niet u niet wijtloepich te disputeren / dan hoe soude de kercke Christi connen bloeyen ende toenemen? Iae ick segghe connen staende blyuen/by aldien de Overhept haer ampt niet en dede? Wāt gelijc Besa seer wel sept/dat sonder de selve Magistraet de kercke nu al verdruet ware geweest vande Dooper[sche] boos wichtē/274. Ende wederom (sept hy)

Dij

wie

wie ist die niet wel en siet/ dat hy aldien de Magistraet door
de vingeren siet/ ende hem selfs niet en quijt naer eyse van
der saecke/ dat daer de kercke is in groot perijckel ende mer-
kelicke verderffenisse/ 296.

Hollander.

Dat onsen Ghereformeerde Broeder ingeboert heeft tot
bewijs wat Vesa ende meer anderen seggen/ als dat de ker-
ke niet en can bestaen sonder de Magistraten haer hant daer
aen te slaen/ is te vele ghesepdt: Ofte was de kercke Christi
doen hy op aerden leefde/ gheen kercke? Wie beschermde se?
Wat Overhept sloech daer de hant aen? Ofte was der Apo-
stelē kercke geē kercke? Was die beschermt vande Pharisee
ofte van Saulo? Ofte bestont die niet daer naer/ als sy van
den tyzannighen keysere doodlick vervolcht/ ende hy duy-
sende Martelaren ware gemaect: Wiens upterlike macht
beschermde doen de kercke? Wiens stalen Sweert heeft de
Euāgelische kercke beschermt onder Carolo de vijfde/ ende
Coningh Philippo/ hier inde Nederlanden/ als hy by duy-
senden gheloovigen dede hangen/ verdrencken/ onthallen/
levendich verbrande/ is daerom de kercke Christi niet staen-
de gebleven? Jae veel meer opgewassen ende vermeerdert in
grooten ghetalle. Is dan de kercke Godes alsoo staende
gebleven/ jae vermeerdert/ so moet wel een cleyn betrouwen
hy de geene wesen/ die haer beroemen de warachtige Leere
te hedde boven de andere/ ende sonder des Overhepts ampt
niet betrouwen te connen staende blyven. Veel anders spre-
ken de gheene vande oude oprechte Religie door hareu An-
noterder/ segghende aldus:

De oude onghevasschte reghels vande Gheestelichheyt zijn alle wycedt-
heyt vande Placcaten gheheel contrari: Want sy verbieden dat de Ghee-
steliche personen om gheen oorsake ter werelt/ noch oock om gheloof ofte
kerckerie pmanden sullen ter doot brengen/ oft hun handt slaen/ tzy hy hant
selven/ ofte andere personen: Jae dat hy wille/ noch daedt/ noch raedt daer
toe ghebe: Jae dat meer is/ dat zy anderen/ die sulchs doen/ sullen oordeelen
ende straffen/ 182.

Daerom hope ick oock/ dat de rechtsinnige Magistraten
niet

niet en sullen (als die van Groeningen God betert ghedaen
hebbē) haer latē verleydē / al ist dat daer veel God mistrou-
wende stoorckebanden comen / om haer daer toe met val-
sche dupdinghe der hepliger Schrift op te maecken / met
verdwyben der vromen upt haere Landen ende Steden /
die alleen soecken in alder stilicheyt ende aller gebeurlicke
onderdanicheyt haerder Overicheyt / met een ghetrouwe
conscientie te gehoorsamen / ende haer broodt vooz Wijsen
kinderen te winnen? Want dat die van Groeninghen cla-
ghen in hare voozreden / dat zy bevinden dat Godes woort
vervalst wordet / etc. Ende daerom sulcx doen moeten: Ey
liebe / doen den Sathan dooz zijn bedriechelicheydt alles
met moozt ende brandt / in zijn ghewelt hadde: Ende des
niet teghenstaende het woort Godes soo machtich was /
dat het dē satan upt zijn aldermachtichste rijke heeft con-
nen verstoffen: Soude het sonder haer stalen sweert geen
macht meer met allen hebben / om het aldersterckste rijke
Christi te connen beschermen / teghens des Sathans pij-
len die nu plomp gheworden / Jae nu een sdeels in stuc-
ken gebroken zijn? Soude nu Godes woort sonder cracht
zijn / ende menschen hulp hebben moeten? dat zy verre.
Daerom ghy vrome Overicheden / ende ghy ompartidige
ende inder waerheyt ghereformeerde / betrou God / hy en
slaeyt niet / maer hy waecht ober den synen: Daerom ghy
Christelicke campioenen / wilt alleen met zijn woort strij-
den / op dat wy met synen gheest (die met ghestadighe ge-
beden) is te verwerven) naerstelic bechten / op dat wy vooz-
sichtich des Sathans bedriechelicheydt moghen mijden /
soo sullen wy niet met allen behoeven te vreesen / vooz de
Ketters. Hoozt eens (so het u believet) die woorden des An-
noteerders / segghende aldus:

Syn hebben (te weten de Christenen) gheen uptwendich sweert: Sy
en roepen oock niet de wereltliche Magistraten / tot haerder bewaringhe
ende bescherminghe / maer zy gebruycken t' sweert des Gheestes / het welc-
ke is het levende woort Godes / daer mede beschermen zy sich / ende maken
te niet

te niet alle raetflaghen / die sich verheffen teghen de kennisse Christi ende Godes / met het welcke zy oock de ongheloozame uptluyten / ende nooden tot haers selfs beteringhe / 198 / 199.

Laet die van Gzoningen mercken / ende letten op de Staten generael / die sullen haer doen / gansch verdoemen / segghende ghemerckt te hebben / dat de conditien ende macht vande ghene / die den Coninck bysonder wilde behouden ende beschermen / van daghe tot daghe minder gheworden / Lt. 52.

Ende dit begheeren wy (segghen zy) datmen eerst aenmercke / hoe dat hy daghelick sien ende bevinden / dat hoe de mensche meer ghewelts wort gedaen / ter saecke van der religien / hoe de staet der Roomsche Katolijcker religie meer vernindert / Lt. 51.

Ende waert soo verde (segghen zy) dat door de middel / van dooden ende verjaghen / de Roomsche religie worde beschermt / daer soude eenighe redenen wesen / maer men siet hoor ooghen datse die veel meer van gront op vernielt / want experientie bethoont opentlick / dat gheen dinck meer contrarie en is tot de selfs bescherminghe / dan de macht van wapenen ende ghewelt der vervolginghe / ende dat haer haestelicker maerckt / ende volghens dien de gantsche Kerckelike staet meer in vernielens perijckel stelt / 020.

Dit ware te wenschen dat die van Gzoninghen beken den zy soudent lichtelick mercken / dat zy verkeerde middelen hoorwenden.

Ghereformeerde.

Maer u segghen ende t'gheene ghy upt den Annoteerder by ghebrocht hebt / soude schijnen ofte d'Overhepders hulpe gansch byncen ghesloten soude wesen? Neen / dat gheloove ick noch soo niet / veel anders heeft daer afgeschreven den Godvreesenden ende vermaerden Heer Calvinus / segghende aldus :

Sullen zy de Magistraten ledich zijn / ende met d'armen ober ander sitten / als zy sien den Duyvel zijn best doen / door zijn dienaren / om de heylige Religie te vernielen? Neen hoorwaer : Der gheenre goedertierentheydt die daer willen datmen den Ketteren sal vergeven / is meer dan sel / want om de Wolven te sparen / gheven zy den arme Schapen tot een roof : Liebe / ist reden dat de Ketteren v zielen vermoorden / ende met haer valsche leer ringhe vergiftighen / ende datmen behindere het sweerdt van Gode gheordineerd / om haer lichaem aen te tasten / dat Jesu Christi lichaem verscheurt werde / op dat eens verrotten lics stanck daer soude blijve / D. 35 / 36

Noch seyt de selve een wepnich daer hoor / 33 / 44.

Heeft de Sone Godes upten Tempel ghejaecht met ghewelt

ghewelt de ghene die onder Goodsbruchteydeys deersel
d'offerhanden vercochten in des Tempels inganck: Ick
bits u: Waerom en lounde de goede Magistraten niet upt-
ter schepden trecken het sweert dat heur vanden Hemel is
ghegheben / om te onder-drucken d'afvallighe vanden
gheloove/die daer openlick spotten ende spelen met God/
ende die daer ontheplighen ende beïmetten zijn heplich-
dom/ende de scepter zijns Majesteys / door haer blasphe-
mie? Hoozt ghy hier wel dat de Groningher Magistra-
ten naer Calvini leere / oock in haer ampt ghetrou zijn.

Embder.

Het gheeft my wonder goede vrient / dat ghy u Shere-
formeert te zijn noemt/ende nochtans na Papistischer wy-
se meer soeket uwe Opinie staende te houden met schrifte
der Authueren dan der hepliger Godlicker Schriftneren:
Dat ick den Annoteerder in voere / ende het ghevoelen
der Heeren Staten: en doer ick niet daerom / dat wy op
menschen staen: Maer dat haerlieden ghevoelen in Go-
des woort zijnen grondt heeft: Maer ey liebe / segt mijn
doch in wat plaetsen der Schriftneren dat wreedt ende
tyrannisch ghevoelen uwe meesters Calvini zynen gront
heeft? Is niet een ghevoelen met der Spaensche Inqui-
sicien ende haers gelijcken? Is hy in dit stuck niet ghe-
heel Papistisch? Is hy oock in dit stuck niet teghen hem
selfs/ende alle de zynen/soo hun in desen landen Sherefor-
meert te zijn noemen? Gheeft hy met deser zynen wreeder
Leere/ den Inquisiteurs het sweert niet in die handt/om
hem selfs ende alle de zynen mette sweerde te dooden / ende
upt te roeden? het is immers meer dan openbaer / dat die
Inquisiteurs niet alle die Lupterschen/die Wederdopers
ende alle anderen/die in het alderminste den dwalinghen
ende

ende groutwelen des Pausdoms wedersprecken / booz ket-
ters houden: Maer oock wel principalicken Calvinum
ende alle de zynen. In wat perikel stelt hy (nu ter tijdt ontsla-
pen zijnde) alle zyne adherenten / die hier ende weder onder den
Pausdom woonē / en in der Inquisiteurs ende Jesuiten oo-
ghen ketters zijn: Sp / die Inquisiteurs ende Jesuits gesint
zijnde Overheden / en behoeven hare enghen wreede ende ty-
rannische wetten ende oordeelen teghens u ghereformeerden /
soo wel als teghens alle Christenen te ghebruncken / Want
Calvinus (moghen sy met recht seggen) die spreekt selfs het
bonnisse ober u luydē / ende wil dat wy (het Hagistraet ampt
bedienende) niet leedich zijn / noch met den armen ober elck
ander gheslaghen stil sitten souden / als wy sien den Cupbel
zijn beste doen dooz zijn dienaren / om die ware Religie te ver-
nielen. Nu en soeckt ghy gereformeerden: Ghy Luterschen:
Ghy Doopers / ende alle ws ghelijcken / wedersprekende der
Hoeder / naemlick der H. Catholicker kercke / anders niet
dan die ware oude Leer ende Religie te vernielen: Ergo / naet
oordeel van Calvino selfs / zijt ghy des doots weerdich: En-
de soo wy dooz onse goedertierenheyt u souden willen ver-
schoonen / soude die selve onse goedertierenheyt meer dan sel
zijn (soo Calvinus selfs sent) want om de Wolven te sparen /
souden wy (nae zijn segghen) die Schaepkens tot eenen roof
geven. Siet ghy nu goede vriendt wat een Christelick ende
Godlick geboelen Calvinus u Heester van het Ketter doo-
den / vernielen ende verbolghen ghehadt heeft / waer mede ghy
so heerlick pronckende zijt: Lutherus / Brentius / Erasmus
van Rotterdam / Augustinus / Cluterius: Doctor Caspar
Hedion / Johannes Agricola: Lactantius / Ottho Brunffel-
sius / Urbanus Regius: Oock de oude Augustinus / Chri-
stomus / Hieronimus / ende andere seer goede ende trefselicke
Leeraers hebben boozwaer veel een ander geboelen / en selve
oock upt des Heeren woort: jae u Heester Calvinus selfs te
dier tijdt van eenen goeden ende breed samen gheest ghedreven
zijnde / sendt in het eerste Boeck ziner Institution aen den
tweeden capit. aldus: Hoe wel het hem niet en betaemt veel
vriendschap

Damascenis leert dat het Evangelium over alle de werelt heeft ghepre-
dicht gheweest/maer dat niet geen Spiessen/of wapenen/of door oorloghen/

zijn vanden verwormen heeft / maer dat van luttel naer te arme / ongeleerde / ende eenboudighe Mannen / waer door de wyse deser Werelt beschaemt zijn gheweest : want hoe soude de Kercke Martelaers hebben / als sy selfs Martelaren soude maken?

De Stede Leyden.

Soo connen wy ons qualijck inbeelden / dat met eenigh ghedrangh of toedoen des Ouerichepts (der welker autoriteyt men hier mit abuseren tot alle tyden ghepoocht heeft) gheheel de gheunbeerde Provintien soude Christenē ghemaeckt moghen worden / maer wel onder de naeme Christi / een Werelt vol booser Duppelaers / etc.

Ghereformeerden segghen.

De algheimeyne ende H. Kercke Godes / die d' Apostelen Christi vanden beginne door de vercondiginghe des Euangeliums gefondeert hebben / wort door geen ander middel of wyse noch Instrument onghericht / bevesticht en bewaert / dan door de oprechte ende eenboudighe leere der waerheyt ende Godsalicheyt.

Daerom wie meent dat de ghemeynte Godes door practijcken / door listighen raet / ende bedroch der menschen can versamelt worden / ofte waanneer sy versamelt is / can behouden worden / die is onwijs ende wtsinnich : het is een ghemeyn ende warachtich woort / dat het geene dat door menschen wijsheyt is ghebout ende opgherecht / wederomme door menschelijcke wijsheyt ghebroken wort : boven desen heeft de Heere selve gewelt / ende wapenen van de ophoudinghe der gemeynte verwoopen / daer hy het gebuyt des swaerts sonen Discipelen verbiet / en tot Petro seyd / steect u Swaert in zyn plaetse / Mat / 26 / 51 / Luce / 22 / 51 / Ibidem bullinghe.

Wy lesen oock niet dat opt eenighe Christich knechten vanden Heere ghesonden zijn / om door een ghewapende macht de werelt te dwinghen / iae de Schryfture betuycht dat selfs / de groote vyant Godes / de Antichrist sal door den Geest des monts des Heeren ghedoodet worden / 2. Thes. 28. Daerom is het sonder twijfel / dat het al is gheestelijck te verstaen / dat alomme hy de Prophten ende voornamelijck hy Zacharia Capit. 12. ghelesen wort van den krijch / daer mede de Apostelen en Apostelsche Mannen soude alle Heydenen becrighen / want de Apostelen stryden nae haer wyse als Apostelen / niet met Spietsen / Swaert ofte Boghe des vleeschelijcken crighs / maer met de wapenen des Geestelicken crighs : het Apostolische sweert is Godes woort / H. Bullin / Dups boeck Der. 5. Zer. 1. folij 214.

Hier siet ghy Ghereformeerden Broeder / dat de Staten ende sommigen Ghereformeerde den Magistraten van Groningen gans teghen zijn / ende volgens Calvyns segghen verdoemen / maer ter contrarie bewyse / dat het Ampt der Ouericheyt niet haer Swaert niet en strect om de Kercke te beschermen / maer alleen tot de uiterlijcke Polisie / ende bewysen grondelijck dat

Jā u Gereformeerde schynvers selven wederlegghen / ende weder sprecken / den Magistraten van Groninghen / ghelijck ghy ghehoort hebt / ende segghen dat de Heere selve de opbouwinghe der Ghemeente mer de wapenen heeft verwoorpen / daer doormen can spoozen die sulcr doen / meer Antechristenen bewysen te zijn als rechte mede Dienaers Christi.

Ghereformeerde.
Ghy geeft mi hier veel te lesen/ en te doen hoozen lesen/ wat
uwen Annoteerder ingheboert heeft /maer wilt oock nu eens
met ghedult aenhooren het gheboelen vanden eerweerdighen
Heer Johan Seu / Dienaer des H. Evangelij tot Middell-
borch.

Dit blijkt dan soo clac als de Sonne aen Middach/dat de eenicheydt
door des Overichepts swaert becomen/is den enigen begin/middel/ en eynde
van brede ende prosperiteyt in den Landen. Daerom die van Groningen
anderē Magistraten als exempelē mogen ghestelt/ende ghenoeit worden.
Hollander.

Hollander.

Wplo Broeder/dit luyt heel naer de oude Inquisitie/die ooc
altijt haer bloet doztich herte met den schijn van sozchbul-
dicheyt des gemeen bestē hebben soecken te bedecken/ daerom
de

de Cominghen ende Princen wys maecten de Christenen als
verrotte leden af te snyden/ ende endelije de Ouericheden door
het lichtveerdich gheloven soo veer ghebrocht hebben/ dat su
de Dief leiders ende Beuls der oude Papen gheworden zijn:
ghelijck die van Groninghen oock schier naer dese maniere
schynen verlept te wese: want sy trecken eē schoon Register/
ghelijck ofte sy sochten des Lants voordeel door haer aen
ghewesen middel van eenicheyt / maer hier teghen zijn de
Heeren Staten van Gode door den tijt ende experientie be
ter gheleert/ alsoo dat wy vast gheloven/ dat het al verloren
bande sommighe Predicanten ghegloseert sal wesen: want
zy het oude Romaensicht noch ghedachtich zijn / daer de
oude mensche moorder hem eertijts onder verborghen ghe
houden heeft: ende soeckt wederomme zijn ghehaete oude
kunst nieu te maeken/ maer in tegendeel wort bevonden dat
door dese vrede soekinghe anders noyt ghevolcht is/ als de
bloedighe onvrede: want wat is de oorsaecke gheweest van
storten so menichte 1000. menschen haer onnosel bloet/ dan
datmen seyde dat door der Ketteren bywoningen / de Lan
den souden comen in de uiterste verderfensissen: maer waer
de Ouericheden dit bedroch door gheboelen ende experien
tie hebben leeren kennen / ende bevinden dat de vrede haer
begintsel ghenomen heeft door toelatinghe der bypheyt der
conscientie/ sy zijn anders gesint worden.

Dit heeftmen ghesien in Brancckrijk / al waermen nae
veel bloetstortinghe geen ander remedien en wisten tot ruste/
dan toelatinge van beyde Godes dijnste: en wanneer heeft
doch het selfde conincckrijk meer ghebloeyt/ in ruste / in vrede
ende welstant van alle prosperiteit/ alst nu tegenwoordich on
der desen Coninc is doende/ die dit stuck door experientie on
derbonden heeft / en tot groot gheluck vanc selfde rijk noch
is onderbindende.

Dat heeft in Duytslant ooc moeten toelaten Keyser Caro
lis/ zijn broeder Ferdinandus/ en de selfs sonckeyser Maximi
liaen/ en heeft ooc so goeden effecte/ dat sedert ropt eenighe be
roerte en is geweest in Duytslant/ so dat de Catholijcken sel
ve/

be nergens bepliger zijn dan daer/niet teghenstaende daer zijn
de twee Religien/en dat ooc in veel Rijck steden/ia in een selve
kerck/somen noch dagelijck vooz oogen siet/en alle het vooz=
sende vzeder ghelesen mach worden inder Ghereformeerder re=
queste tot Antwerpē in. 13. 14. Immers seggē hier of self aldus.

Die Generael Staten.

Item inde Provintien/Steden ende plaetsen/daer de Religie /gheheeten de
Ghereformeerde de Confessie van Ausburch/of de Religions vrede aenghenom=
men zijn/daer sullen alle dingen blijven in haren staet/so dat geen van beyde
ziden en sal moghen contraventie gheschieden/in welke saecken geen swa=
rcheit en mach ghemaecht worden/want andersins en ist niet mogelijk te
binden middele van eenighe goeden ende sekeren vrede /ende van stilte ende
gemeyn ruste. Ende indien permant naemaels woude een ander ordinantie
insetten/dat en soude niet anders wesen/dan de beroerten wederomme te be=
ginnen/ende nieuwe iannmerlijcheden ende bedersauisse weder by te brengen/
etc. h. 27. 28. ende noch.

Maer datmen hem oock verleene exercitie van haer Religie /ten minsten
tot dat het anders geordineert sal wesen/by vrye consent der Staten. Andien
dit anders geschiet / so ist te besorghen dat de ontpdighe remedie al t quaet
sal verargeren/ende dat door nieuwe/versche/rouwe beroerte/tgene verloren
sal worden/dat wy begeeren te behouden /ende dat wy door onmoghelijcke
conditie sullen verliezen den vrede die wy soecken. P. 102.

Die Annoteerder spreekt daer oock seer wel in/datmen dese saecke wel
oberlegghe (sept hy) men sal bevinden dat de vervolgingen altijt oorsaeck zijn
gheweest van de meeste quaden/daeromme ghy Princen ende Magistraten/
ist dat ghy u lieder saecken wilt in ruste hebben/en wilt niet lusteren of ghe=
hoorsaem zijn den genen die u lieden tot vervolginghe verwecken / want zy
zijn oproerich/daer zy nochtans anderen van oproerichheit betichten / ghe=
lijck de Joden Christo deden / de welke selve oproer maectien/en die t hups
Christi (twelck niet liefde moet gebouwet zijn) niet haet en bloet willen tina
meren/ist dat ghy lieden de selve niet en schouwewet / geloofst my / so sullen alle
rijcken/Ghemeynten ende Steden/Sielen ende Lichamen /inden gront en
inder eenwichheit verderben/ende al in het selfde ongheluck brengen /daer
inne de Schriftgheleerden ende Phariseen de Jootsche natie niet hen verbol=
ginghe ende bloedighe raetslaghen ghebrocht hebben. F. 50.

Ghy Princen ende Maestraten (sept hy an een ander plaetse) ist dat ghy
uwe saecken in ruste wilt hebben/en wilt niet lusteren of volghen / die u tot
vervolginghe verwecken / a F. 54.

Hier hoort ghy dat het Placcaet van Synningē/en volghens door u vooz=
stel/niet het seggē van uwen Predicant Johannes Seu/gans ongesondeert
is/en strijt tegens de experientie/en den tyt/en ooc tegen het gheboelen vande
Heeren Staten/ia tegen het geboelen der verstandigē Ghereformeerde / en in
sonderheyt die onder de regeringe des Paus doms noch sittē/en bewysen ge=
noechsaem verkeerde middele van eendracht/van ulieder tsamen voortge=
brocht/die welke in tegendeel strecken tot verwekinghe van noch selder
ende bloedigher ontzede/als opt te dooren is gheweest.

Meeruyt

Neemt exempel van onse teghenwoordighe Stadt Am-
sterdam / daer door des Overichpts wijsheyt ghelaten
wozt de vryheden der consciencien / ende niemant en dwin-
ghen teghen zijn gemoet niet te doen: bevinden wy hier niet
een stil gerust leven / waer hoort ghy moorderpe / verdervin-
ge / verrader de den eenen teghen den anderen / omc stuc der
Religie gaet het niet in alder stilte toe: geeft Godt niet zijn
segeninge deser Stadt wonderbaerlicken: maer men moet
belijden by aldien / dat de Overicheden der selfder / na den
Raet / van sulcke oude storckvanders wederom souden vol-
ghen ende het Gzonigher Blackaet hier int werck ginghen
stellen / souden sy niet verdryvén vele vrome treffelucke Bur-
geren ende Inwoonders / iae haer enghen Broeders / Sus-
ters / Vaders ende Moeders ende Naervrienden: soudé sy
haer niet (segge ick) terstont ontbloot vinden / van een groot
treffeluck ghetal / sulcker liefelickker ende getrouwer gesel-
schap ende Inwoonders / ende van alle middelen ende prof-
periteyten: die wil ick alle onperijpde (die kennisse hebben)
laten oordelen.

Embder.

Ick belyde dat ghy hier de waerheyt gheseyt hebt / want
ic verwondere mijn elcke reyse als ick hier tot Amsterdam
come / aenstaende de menichte der Inwoonders / de groote
Navigationen op alle breemde Landen / de machtighe rijke
Cooplunden / die op alle quarrieré des werelts de selfde up-
spreyden / ende noch daghelijck hoe langher hoe meer up-
spreyden / ende boort de vermeringe des Stadts van
daghe tot daghe toenemende / somma men siet de ghebene-
didinghe des Heeren over des Overicheds regeringhe.

Hollander.

Daer hebt ghy recht ghesecht / soo dat mijn nu coorts ooc
ter hant gecomen is in een Carmina t'cozt verbat / het gene
extraordinaris

extraordinaris dit loopende Jaer ghesecht wort / van onse
lofflike Stadt Amsterdam ende upr als volght.

INt Jaer doemen schreef seshien hondert en een
Is Amsterdam verbeterd int ghemeen
De Stadts Toreen seer hellende, ginekmē vveer rechten
De Stadts binnen Mueren af breken en bellechten
Men boude oock twee stercke nieuwe Sluyfen.
Daer beneven meer dan ses hondert cierlijke huysen
Van Oost-Indien quamen eens seven Schepē int selfde Jaer
Gheladen met Speceryen, ende andere dierbaer vvaer
Thien hondert duyzent pont Pepers sy hadde mee gebrocht
Die vvaren binnen thien daghen alielamen vercocht.
Ist dat vvy d'een d'ander niet verdrucken
God sal geven dat het voorts vvel sal gelucken.

Dit selfde verwonderens weerdich zijnde behalven onse
ordinaere Navigatien ende handelinge diemen doorgaens
hier liet ende hoozt / het welke soude ophouden en verdwynen
als onse voorzichtighe Overicheden / naerden raetson-
niger stoeckebzanden op de maniere van Gromingen / hier
begonsten met sulcke wetten te tyranniceeren / oer de ghe-
moederen des menschen / ende voort alle onse nabuersche lte-
den ende platte Landen. Somma men soude terkont vinde
Ghelept de Brugge daer door den bloetdorstigen Spaens
glaert / tot synen gesochten ende noch niet becomen wensch /
soude comen. Die van Leydē hebbē dese sake vooz ontrent
vijfthē jaren seer wel verstaen waerō spluyden in haerder
Remonstratie / aen mijn Heeren die generaele Staten al-
dus segghen.

Wp en binden geen macht / waer up wy straffelijck tegens dien procede-
ren souden / die heyt in Burgerlijcken handel ende wandel niet anders als
eerbaerlijcken hem met ons te draghen bebonden worden / wy comen oock
niet anders verstaen / als dat het tot conservatie der politien beter is / dat een
pegelijc

pegelijck zijn opinie int particulier behoudende/ wy alle ghelijck vereenicht
blyuen/om de ghemeene sake te beuorden/daer toe dan een peghelick / t'z
met contributie ofte anders soo veel te ghewilligher / ende van herten ghe-
nepchder sal beuonden werde. als hy siet dat het om vryheyt der conscientie
te doen is/dat het hem selfs aengaet/dat hem den Beul vanden neck geweret
sal worden/dan dat wy dooz ghedwonghenen eenicheydt / met veel nieuwe
decreten ende scharpe Placcaten/met schelden ende ketteren/onse Nabueren
ende verwanten/iae moghelijck de Vrouwen in onse armen/de kinderen van
onsen eppen bloede/wy wygghen de luyden van onse Burgerfchap/daer over
wy als Vaderen gestelt zijn/verbitteren / tot onsen haet verwecken/ ende af-
kerich van ons maechen souden. G. 8/ Verse 3. Doozder seggen sp aldus:

Ende zijn oock daeromme wel vryelijcken gheresolueert (segghen sp) dat
wy tot geen Religions dwangh/int cleyn noch int groot / noch tot eenighe
statuten ofte decreten / daer her streckende / aen te nemen souden verstaen
willen:waer dooz (of wel eenicheyt der liberteyt in een waere gheloue gesocht
woyt) nochtans wetende dat rechte eenicheyt niet en can in dwangh bestae:
ende onderuonden hebbende/dat dooz soodanighe eenicheyt/liberteyt gebou-
den is/om de mensche sonder weder sprecken te volghen/ ghenodicht zijnde/
in aller Barbarische onweteneyt te voeren / werden wy by ervarenheyt
bedwonghen metten Esel soo wys te zijn/dat wy ons voorhoeden / daer wy
ons eenmael aen de ghevangene liberteyt soo dootlijck ghestoten hebben: en
of wel de ghemeente als Esels ooren hebbende/daer by soude moghen ghero-
ghen werden/nochtans of haerder bele des Enghels swaert teghen Balan
wytghefreckt/in voozleden tyden moghen ghesten hebben/des mach een yder
man zijn hert ghetuychenisse geuen: alijt weten wy soo veel wel/dat de ghe-
meente den last inde ghedwongene eenicheyt soo hart ghedrukt heeft / dat
wy henlieden inden wech der (als sp verstaen souden) ghevanghener vryheyt
het niet souden te byenghen weten/ G. 8. 3. ver.

(Doozder segghen sp) Maer ten lesten heeft ons de goedertieren God in dese
Provincien vryheyt ghegeuen/ende ons ghesterckt/dat wy tegen den vyant
tot noch toe het Lant behouden hebben:die ons hier toe geholpen hebben/
die haer lijf ende leven by ons ghewaecht hebben/die op onse Doorten/ Wes-
ten(of waert van doen was) als Muplen ghearbeet/ende met Leeuwe her-
ten ghestaen hebben/dat en zijn niet altemael luyden van eender gesintheyt/
maer veel zijnder onder gheweest/ die nu somwanghe (de welcke het weynich-
ste by ons opgheset hebben) gaerne souden (als schijnt) benaudt sien/ende
in dese verscheydenheyt van gesintheden/zijn wy soo eenich inder gemeene
sacken ghebleuen/dat oock onse Nabueren/overmits de Spaensche viant-
schap onse vrienden gheworden zijn / hoe wel sp ten deel contrarie van ons
ghesintd waeren / als doende professie vander Catholijcker Religie / noch-
tans verweckt dooz onse beleeftheyt/haer met ons vereenicht/ ende vrient-
lijck accoozt ghemaecht hebben/waer in dan/namelijck om Lantvrede te
houden/ende sonder respect van Religie malcander tegens alle ghewelt ende
overdaet

Overdaet der byanden te helpen/te schutten/ende te beschermen.
Wat dunct u nu goede vziër/van dese heerlickke belydenisse/
der Stadt Leyden?

Ghereformeerde.

Wel ghy hebt daer wederomme een langhe reden gedaen:
ende naer dat ick u verstaen hebbe/soo soecht ghy u over al te
behelpen/met der Staten segghen / ghelyck of die noyt eeni-
ghe Placcaten ghemaect hebben/opt stuck der Religien/dan
alle dingen soo int wilde hebben laten voortgaen / het welcke
ick gans ontkenne/maer segghe het is seker dat sy dickmael
Placcaten hebben laten condighen / daer sy alle Religien be-
halven de Gereformeerde verboden hebben: ende men bevint
ommers expresselijck/dat sy den Papisten gans gheen exerci-
tie en willen toelaeten/maer wanneer sy vinden eenighe exer-
ticien der selfder te gheschieden/soo stoen sy die / ende hebben
grootte byrukken op de selfde ghestelt/ghelyck wy op verschep-
den plaetsen het selfde met onse ooghen ghesien hebben / daer
ynt dan consequentelijck volghen moet / dat de Magistraten
dooz selfde soecken/den vreden ende welbaren der Landen/ey
harer onderdaenen: ofte dat sy verderbers zijn der selfder.

Hollander.

Dat ghy voortbringt dat den Papisten geen exercitien der
Religien en wort toeghelaten/maer dat de H. Staten sulck
met Placcaet ende experientie weeren.

Hier op staet te letten/dat het niet ghedaen en wort ten aen-
sien van haer Religie/alst ghedaen wort ten aensien van eeni-
ge perikelen / de welcke die Overheden dooz haer by een com-
ste voorszien:wetende dat de Jesuwiten niet en souden (ach-
tervolgende haer professie)comen laten haer roehoorders in te
planten/dat wy al te samen/met haer geen professie doende vā
de Pauselijcke leere/verdoemde ketteren zijn/ende dat splupde
daerom schuldich zijn/die selfde (waermen can en mach) met
alle openbare ende heymelijcke middelen (het sy onder schyn
van vrientschap/ofte vrantchap) te krencken / vermoorden/
ende becrachtighen / naet besluyt haers heylighen Consilie/
soo

(soo sy hun noemen) datmen de Ketteren gheen ghelobe en
sal houden. Ghelijck sy met haer bedriechelijke Duppel-
sche listen alle die haer gheloven connen betoveren/iae geen
Coninghen ofte Princen (hoedanich sy zijn) van haer moor-
dadighe listen vry zijn: hier door sy dan met haer Scharps-
clederen den eenvuldigen hoop der Catholijcken bedriegē/
ende lichtelijck souden brengen dat sy onbehoorlijke mid-
delen byder handt grepen / om yet teghens t' Landts
welbaren te aenbeerden / waer door sy soo wel haer selven/
als alle andere/inde uiterste ellende en miserie souden bren-
ghen: om welcke dan te voorkomen/de wyse Overicheden/
(hoe wel op d' ene plaetse meer als op d' ander) wat nauwer
toesicht nemen/niet dat sy die consciencie willen dwinghen
(maer de perijckelen der verlepdinghe haerder onderdanen
mydē. Daerō gelijc d' andere Religien (daer de Landen geē
perijckel af te verwachten hebben / nochtans contrarie der
Gereformeerder leere professie doen) gheleden ende ghedul-
det worden/soo en soude haer niet minder gheschieden (seg-
ghe ick) waert dat de Overicheden de experientie van de Jesu-
switen/niet wel onderbonden hadden.

Dan wat aengaet het oordeel van uwe meestendele Pre-
dicanten (van verstandigen/ ende van God geleerde sprake
ick niet) alst naer haren sin mochte gaen/soudemen niet al-
leen de Catholijcken/maer oock den eenen met den anderen
met een mate meten/ghelijck haer voornemen (hoe wel voor
haer noch te vroech synde) ghenoech hem door Johannem
Seu/ende meer andere gheopenbaert heeft.

Daerom dat ghy verder besluyt/seggende daer upt dan
consequentelijcken volghen moet/dat de Magistraten door
sulcke Plackaten soecken de vrede ende welbaren der Lan-
den/ofte dat sy door sulcx doende etc. Antwoorde ick u/ dat
zyt doen niet upt lust/tot dwangh der consciencie/maer upt
vreesse van verlepdinghe haerder onderdanen tot oproer/
doort listich clappē der Jesuwypen/en diergelicke ander hy

po.

poctitē/gelijc voorszē gesept is/en volgens segge/dat sulcx haer
doen strect tot welbaren des Lants/op dat de onderdanē eē
stil ende gherust leven souden moghen onder haer leyden.

Ghereformeerde.

Als ick nu al u segghen gehoozt hebbe/so dunct mijn dat
ghy veel tegen u eygenschat gevochtē hebt/ want ons eer-
ste begintfel van caveleren is oorspronckelijc ontsaen vant
Placaet van Groningen/twelc ghy gaet upt leggen/ als of-
te sy de oude Spaensche Inquisitie wederomme wildē by-
der hāt nemē/ofte de Geneefsche(so ghyse ooc noemt:)voorz
waer dit can ic niet upt het Plackaet spozen/dā wat ghy vā
bloetstozten en doden gesprokē hebt/en is haer niet en tegē:
tselvede by haer niet gesept en wort/ia ooc niemant dwingen
in zijn conscientie te geloven/het gene sy alleen in haer Ker-
ke laten prediken/ofte leren/maer alleen willen sy ander Re-
ligien haer exercitien verbieden/het welcke oock de Staten
van Hollandt/so het blyct haer meyninghen in haer Plac-
katen schijnt te wesen.

Hollander.

Dat onse cavelatie eerst ontsaen en doorgaens gheweest
is/ over het Placaet van Groningen dat is recht/maer dat
sy niet schuldich en zijn int gene ic haer opsegge/sal ick an-
ders doen blyckē/en dat tselvede der Statē van Hollant ver-
stant mede soude zijn/dat wort van my blyckelijc ontkent.

Die van Groningen en connē haer niet ontschuldigē vā
dwang der conscientie/want sy verbiedē ten eersten alle ex-
ercitien der Religien/daer de conscientie der mensche ooc aē
verbondē zijn/gelijc tselvede(om de experientie wille) niet veel
bewys van node is:want ghy Gereformeerde selve geseten
zijnde/of noch sittende onder de Spaense tyrannie/hebt gy
wel connen laten ofte connen die selve uwe Gereformeerde
broeders noch met een byse conscientie laten het ghebruyck
uwer Religien en Godsdiensten? Dit sult ghy immers selvē
bekennen/neen:want u lieder Martelaers hoec ghetuycht
wel anders/daer dooz blyct(niet tegenstaende alle die sterke
bloedige Placaten/en alle die exempelen vā byant/Galge/en
ander

andere miserie daer de vrome mede ghemoort ende verniest
worden / dat sy nochtans gheenlins hebben connen af-
gheschryckt worden/om niet te ghebruycken de exercitie van
u lieden religion behalven dat alle uwe Gereformeerde Re-
questen ende Supplicationen (soo hier en daer den Coninck sel-
ver/als oock aen syne Gouverneurs overgelevert zijn) sulcx
oock ghenoechsaem bevestighen/blijckt dan niet met u ey-
ghen ghetuygenisse selver/dat die van Groningen soecken
conscientie dwangh in te voeren:hoe condt ghy: ofte sy sel-
ven/met waerheyt sulcx ontschuldighen?

Ende behalven dat/is dat geen dwangh der conscientie/
jae een gansche gruwelijcke tyrannie: dat die kinderen die
niet ghedoopt en worden naer haer Kercke ordeninge geen
erfdeel en hebben te verwachten? want daer staet uindru-
ckelick inde Goddelicke schrift/dat de kinderen niet en sullen
draghen de misdaet der Vaderen etc. Daer hier tegen strijt
x dit haerlic der Plackaet opentlick/ want ghenomen u lee-
re waere de rechte/u doope de rechte. Doope: ende een pege-
lijck dede qualick die zijn kinderen niet en liete dopen / zijn
dan de onschuldighen kinderen buyten haer wille ende on-
vermoghen schuldiche vdoorwaer neen: so weynich past het
de Magistraten van Groningen/de onschuldige kinderen
te onterben van haer rechte behoorlicke erfdeel: en segt ghy
dit noch geen dwangh der conscientie te zijn: dit is noyt on-
der het Pausdom gheoeffent gheweest.

Alsoo ist niet min dat elck hem voortaeen moet laten trou-
wen nae der Kercken ordeninge/ ofte dat sy he des Houwe-
lijcx niet en sal hebben te erfrouwen: ey lieve/ is dit ooc geen
dwangh? Doozwaer die van Hollandt sullen hier teghen-
iae legghen: want in aensien van desen / om gheenig men-
schen conscientie te beswaeren / hebben sy toeghelaten dat
alle die haer na der Kercken ordeninghe beswaert vinden te
trouwen

hrouwen/dat sy op de Stadthuyfen moghen vooz de Po-
litijcke t' samen in echtenstant ghegeven worden/ ofte wet-
telijck vant Stadthuyf af gheroepen zynde/ elck in zijn ey-
ghen huyf in presentie van ghetuyghen/ haer echtenstaet
meughen laten bevestigen/ door een Notarium Publicum.

Over dit hebben wy u boven vooz ooghen ghestelt/ dat
noch Christus selfs/ noch die Propheten/ noch die Apostele/
hun anghenomen hebben den echtenstaet te bevestighen:
dat is/ Man ende vrouw personen te copuleren in den ech-
tenstandt. Maer die Pausen met haeren Concilien hebben
sulck met gheweldt aen hun ghetoghen om sghelck willen:
Wilt ghyluyden dan nae die Apostolische kercke gherefor-
meert zijnde/ ende die abusfen ende misbruyckē des Paus-
doms versakende/ met ghewelt aen u trecken/ tghene dat
langh int Pausdom gedaē is: ende noch ghedaen wort om
sghelck willen? dat en hope ick immers nimmermeer. Dit
nu over gheslaghen/ ick vrage verder of men niemant mach
dwinghen eenen Eedt te doen tegens zijn conscientie? Ghy
legt dat God in zijn woort bevolen heeft datmen by synen
name souden sweeren: Ende dattet oock heylighe mannen
Godes ghedaen hebben: Ick later u gaerne toe. Maer over
mits selve also niet van alleman verstaen wert/ siende op de
woorden Christi/ ende des Apostels Jacobi: Ghy en sult al-
ler ding niet sweeren etc. Owe woorden sullen zijn/ jae/ jae:
Neen/ Neen: Wat daer over is/ dat is vanden quaden. Sal-
men nu dese luyden dwinghen (bereydt zijnde in die tegen-
woordicheyt Godes/ ende haerder wereltlicker Overhept/
met jae/ ofte neen/ die waerheyt te segghen) teghens haer
ghemoet ende consciencie met eenen Eede die waerheyt te
segghen? Dit en sullen voozwaer die Overhept in Holland/
ende de Eersame Magistraet van Amstelredam gheensins
doen: Maer laten haer ghenoechghen met der gheenen jae of
neen/ die hun beswaert vinden eenē Eedt te doen van tgene
hun

hun Godlick voorghouden ofte afghebraecht wert / want
t is seker dat alle die ghene die hem onbeswaert binden in an-
dere stucken / t' sijn hemmelijck ofte opentlijck te doen / t' gene dat
God verboden heeft / die sullen hun oock onbeswaert binden
eenen eedt te doen / al s'wooren sijn valschlijck : maer die den Heere
van herten breefen / en sullen om geen dinck des werelts ia seg-
ghen dat neen is : noch neen / dat ia is.

Hier siet ghy nu (goede vriend) dat ick tegens mijn schadu-
we niet en hebbe gebochten / in t' ghene ick ghesepd hebbe vant
Plackaet van Groningen (waer upt doden ende bloetstorten
soude moeten volgen : want al ist dat de eersame Magistraet
van Groningen tselve also niet en meend (welcke ic hun seker-
lijc toebetroutwe) so sal nochtans metter tijt tselve nootsake-
lijc moeten volghen / ofte tselve Plackaet sal wederom moeten
te niet gaen / en geen effect gewinnen : reden zijn dese : Die luyden
van een ander opinie en gevoelen zijnde als die gereformeerde /
in aenmerckinge / datmen God meer gehoorzaam zijn moet
dan de menschen / en begeeren haer vergaderinghen niet te ver-
laten : sijn en begeeren hare kinderen by de Gereformeerden niet
gedoopt te hebben : sijn begeeren haren echtenstaet vande Ge-
reformeerde niet bevesticht te hebben : sijn en begeeren gheenen
eedt te doen : sal dan het Plackaet gheen effect sorteren ende
die selve straffen niet gelt straffe?

Ghereformeerde.

Dyplich.

Hollander.

Ick neme daer sijn schamele luyden die nauwelijck vant
eene broot tot het ander connen comen / en hebben geen gelt te
geven : en laten nochtans niet te doen teghens het Plackaet /
wat sal de Magistraet dan doen met soodanighe luyden?

Ghereformeerde.

Men false moeten straffen / als onghesoorzaam van haere
werlicke Overheyd / ende niet om gheloobens wille.

Hollander.

Welaen / hier hebben wy nu het clutwen met den draet (soms
sep) maer hebt ghy o Gereformeerde vergeten / t' gene u luyden
selfs

selfs so wel als den Martinisten/Doops/gesindē/ende ons we-
derbaren is van de Catholijcken (so sy hen noemen?)

Die Magistraten in Holland/ Seeland/ Groningen/ Bra-
band/ Vlaenderen etc. En hebben niemand ghedoodet / ver-
droncken/ verbrand/ onthoofst/ aenden galge ghehanghen/ om
die Religions wille (wie sy hun selfs (voor God meynende te
berontschuldige) wys maecten) maer het Placaet des Kersers
Karoli Quinti: ende daer nae des Konincs Philippi/ hebben
tselve gedaen/ en die Kettters ghedoodet / daerom dat sy lypden
niet en hebben willen obedieren het Plackaet des Kersers/ en
daer na des Coninc: Siet ghy nu selfs goede vriend/ hoe dat
gyliden hebbende tgebiet an eeniger plaetsen/ so sijn aenbeer-
det de voetschappen der genen die eertijds uwe eygene broeders
Gereformeerde/ so wel als onse ghedoodet/ ghevanghen/ ver-
brandt etc. hebben/ als onghewoont/ samen vanc Plackaet des
Kersers ofte Coninc/ ende tselve ooc noch doen in Spangie/
in Indien/ Italien ende ander plaetsen: want het dooden/ ver-
volghen ende verdriuen/ moet noodsakelijck volghen/ of het
Plackaet en mach geen effecte sorteren.

Gereformeerde:

Ik bekenne / als ick de sake wel insie/ het Plackaet so nut niet
te sijn/ als ic meende/ maer het is nochtā int accoord met der
stadt opghericht/ int Jaer 94. ende met sijn Princelijcke Er-
cellen. besloten/ want int beghin haers plackaets / sprecken
sy van tgene/ daer tself de hem toe schijnt te refereren/ luydende
aldus: sich onderstaen teghen het be/wozen Tractaet/ met der
stadt Anno 96. opghericht andere Religien/etc.

Hollander.

Maer en lieve vriend/ stil swygende voorby gaen/ wat ick
hier niet reden ende waerhend op soude moghen seggen/ hoorc
met gheduld voorlesen den ix. Artijckel / waer toe hem tselfde
Plackaet refereerd/ luydende aldus.

Item dat binnen der Stadt van Groninghen/ ende Landen/ geen andere
Religie gheexerceert sal worden/ dan de Gereformeerde Religie / sulckx als
die tegenwoordelijcken inde gheunieerde Prouintien openbaerlijck gheer-
ceert wordt/ midts dat niemandt in sijn conscientie ofte ghewisser sal worde
gheinquysiteert/ ondersocht/ ofte beswaert/etc.

Besiet

Besiet nu eens onpartydich het gebolch van dat Placcaet/
ofte dat hier mede over een comt/luydende: mits dat niemant
in zijn conscientie beswaert sal worden. Nu hebben wy meer
dan ghenoech bewesen/dat zplunden niet dit haer Placcaet die
conscientie beswaeren/waerom niet noodich en is tselve ver-
der te betwysen.

Ghereformeerde.

Ick bekent/ende ick ben verblijt dat wy de sake dus vrien-
delick verhandelt hebben/het heeft myn vry wat verlichtinghe
ghegeven/maer een ding moet ick noch vragen / heeft de kerc-
ke geen straffe met allen/daer zy de moetwillige mede sal straf-
fen ende bedwingen?

Hollander.

Wylick: die rechte waerachtighe kercke Godes/waer van
Christus alleen het hooft: die H. Gheest het leven: en alle wa-
rechtighe kinderen Godes levendighe leden zijn (onder welc-
ken sommighe noch kinderen int gheloof: sommighe half
wassen: sommighe oock tot ouderdom ghecomen zijn: onder
welcken allen oock schuylen alleen naemdraghende Christe-
nen: Ghelijck zijnde den onburchbare rancke aen eenen scho-
nen ende heerlicken Wijnstock/ nergheens toe bequaem zijnde
dan om int vry gheworpen te worden tot zner tijt) die selve
alleen eenighe ende waerachtighe kercke Godes/ ende der sel-
ven/kercke/rechte ende ware dienaren: hebben (segge ick) die
Sleutelendes Hemelrijcks van Christo Jesu ontfanghen/om
te sluyten ende te ontsluyten het rijk der Hemelen/ende om de
sonden te vergheven/of niet te vergheven: Doorwaer sulcke
macht ende ghewelt en hebben noyt keyseren: noyt Coningē:
noyt Vorsten ende Heeren ontfanghen: Want haer lunden ge-
welt (soo nu veel reysen verhaelt is) en streckt niet verder dan
over het gheene dat aerts is: Maer der waerachtighen kercke
gheweldt/streckt overt gheene dat Gheestelick ende Hemels
is.

Ghereformeerde.

Hola vrient: denckt ghy oock wat ghy segt? Ick en hebbe
noyt ghelesen/dese ghewelt nemant des werelts toe gheschre-
ven

ben te zijn/dan God alleen.

Hollander.

Nu mercke ick wel dat ghy niet en lettet op't gheene boven ghesepdt is/van het onderschept des ampts ende der persoonē die tselbe ampt bedienen: Daer overmits die tijt verlopen is/ ende ick noch elders noodtsaeckelick te doen hebbe/ sullen wy hier van verder mijn ghevoelen te hoozen: moecht ghy (alst u te passe comt) eens weder aencomen/ ende wy sullen in aller vriendelickheyt ende bescheydenheyt in der tegenwoordichheyt des Alderhoochsten Godes/ende zijns soons Jesu Christi (die welcke ons sekerlick toegesept ende beloofet heeft/ tegewoondich te zijn int midden van twee of drien/ vergaerdert zijnde in zinnen name) met malcanderen/van deser saken spreekken ende handelen.

Embder.

Wy tselbe vriendelick ghespreck / soude ick doock wel begrepen te zijn: Want ick mercke ende bevinde claer lic/datter veel ende verscheyden groote ende groutwelicke misbruycken soo wel in den wereltlicken als gheestelicken stande (soomen hem noemt) ingesloopen te zijn: ja doock als met louter ghewelt die overhandt ghenomen hebben / overmits men het Godlick ampt/ofte Godlicke ampten/van den persoonē (sulcke ampten bedienende) niet en heeft onderscheyden.

Ghereformeerde.

Wel aen/ick sal my ooc geern daer by laten binden/ om na der Leere Pauli/alles te proeven/ ende tgoede te behouden.

Hollander.

Ghy sult wel doen: ende wy sullen voer dese reyse/gelijck wy in der vrientschap te samen comen zijn/ alsoo oock inder vrientschap scheidē / hertelijck begeerende/dat ghy dit onse vriendelick ghespreck / niet anders en sult willen verstaen ofte duyden/van het van ons upt goeder herten ghesproken is: want wy en hebben niet ghesproken (soo ghy weet) van den ghenen die welcke het ampt des Overhepts binnen Groninghen bedienen/ soo veel henluyden persoon aengaet: Van wy en weten van haer niet van alles goets: Daer wy hebben gesproken van henluyden ampt/welt zy (op die sake selfs billich niet typelijc lettende/misschien doot inductie en persuasie van sommigē/door eenē onuytuyt ofte onuytuytighen pber gezeven zijnde) in haer luyden Blaccaet misbruycken

grypcken teghen den wille/jae aert ende natuer Godes: Waer van zy luyden
sels in hare kercken singhen in den 25 Psalm Davids / God is barmhertich
ende goetich (singen zy/ende wy oock van herten geerne met hem) Hy is, ende
blijft sulcx altijd: Ten weghe brengt hy sachtmoedich, den sondaer vervallen
wilt: de ootmoedigen leert hy, zijn godsalige voertpaden: Hy toont ooc zijn
wesen vry, den armen menschen beladen. Overmits dan elck een/die hem een
Christen beroemt te zijn: barmhertich sal zijn nae die Leere Christi/ ghelijck
God onse hemelsche Vader barmhertich is. Waerom sullen wy dan neffens
ons niet liden comē die gene/die hem in handel ende wandel anders niet dan
recht ende wel draghen/alst dat zy in sommige saecken die Leere ende exer-
citie der Religion betreffende / niet ons niet een ghevoelen hebben comen/
overmits wy doch seer wel weten dat den gheloove een gabe Godes is: Ende
dat de gaben des H. Gheests verschepden zijn: ende hy werckende is in eenen
pghelijcken (zijnde een lidmaet Christi) niet nae des menschen (als ontfan-
ghers) maer nae zijn (als ghebers) believen/ 1 Corin. 12. Ende dewijl die aert
ende natuer Godes is/ dat hy sachtmoedich (merck dit wel aen) ten weghe
brengt den sondaer/die welcke verre ende wijdt van den wech verdooft ende
vervallen is/etc. Willen wy dan van Godes aert zijnde/ verstooten ende van
ons wech dryden/die ghene die niet wijst int verstandt ende gevoelen niet ons
in alle punten eens zijn/ende nochtans in haren burgherlichen handel ende
wandel hem alsoo wel ende eerlich draghen/als wy/ofte penant vanden on-
sen souden doen moghen?

Angaende Christum Jesum synen eenigen ghebozen Soon / onsen Heere:
onsen eenigen Meester/hooch Priestere/ ende Coninc/ die ons van Godt ge-
worden is/onse wijsheyt: rechtveerdicheyt: heylicheyt/ ende verlossinghe/
Cor. 1/30: Heeft hy niet neffens hem gheleden ende verdraghen/die Phar-
seen/openbaerlich verbaesche des Heeren woort ende gheboden/ in zijn
wyf de ghebode/ seggende eeret Vader ende Moeder/ Math. 15: Heeft hy niet
neffens hem verdraghen/ die Saduceen versakende de opstandige der doode
Math. 22/ Heeft hy niet met grooter verdult ghedraghen/die ghene/die hem
openbaerlich voor pederman lasterde/ seggende dat hy ee Samaritaen was/
ende de Duppel hadde Johan/8/ ende diergelijcke/ veel te lanch om alles te
verhalen?

Hebben die Apostelen oock niet met grooten ghedult neffens hun gebagē/
die valsche Apostelen: die Wolven ende Moordenaers der sielen? Paulus
seft wel/ eenen ketterischen mensche wydet/maer hy en seft niet/dyft hem
ter stadt ofte ten Lande uit: ofte stelt een boete van gelde op hem/die eerste en
tweede reyse etc. Queen: die swachen int gheloove neemt op (seft Paulus)
Rom. 14/ Ende wy die sterck zijn (seft hy) zijn schuldich der swachen cranc-
heyt te verdraghen/ende niet ons selven toe te gheben/Rom. 15/ ende webe-
rom (seft hy) Broeders/al waer oock een mensche in eenighe misdaet: gebal-
len/onderwijset hem/ghy die geestelijck zijt/ metten Geest der sachtmoedic-
heyt/sienbe op u selven/op dat ghy ooc niet versocht en wordet/dyacht mal-
canders last/ende volbringt alsoo die wet Christi: Galat. 6/ Ende weder-
om: wie zijt ghy / die eens anderen Dupsinercht oordeelt: hy staet / ofte valt
zyden



I n i d e r : G e c h o n n e e d e .

amst 1793.

